

廬州府志卷四十五

賜進士出身廬州府知府溫陵張祥雲主修

列女 完節四

王賜爵妻鄧氏無爲人少寡守節撫孤教兩孫有翼明皆成立年八十餘卒雍正七年請旌

張宗可妻陳氏無爲人年十六夫死撫幼子剛苦節歷年七十餘

監生邢光宗妻徐氏無爲人光宗早卒氏無出側室劉氏生一子甫週歲劉又歿氏勵操撫孤年登九十州旌之

庠生錢人瞻側室王氏無爲人瞻故氏年二十四守節撫孤數十年如一日

貢生劉光案側室宋氏無爲人孀居數十年事姑盡孝州守
顏堯揆旌之

周應鳳妻李氏無爲人鳳卒氏毀容矢節奉姑育子清操四
十餘年

劉中丞崙無爲人側室張氏燕人崙歿氏少年矢節崙嫡孫
光大髻亂失恃氏撫訓有成後膺歲薦卒年七十八其娣
沈氏及嫡子之媵朱氏年十八俱少寡守節

丁一輔妻魏氏無爲人年十八夫死無子家極貧茹苦守節
年八十四卒

錢士眉妻謝氏無爲人年二十一夫卒子在襁褓中氏矢節
撫孤四十年如一日氏母年八十臥病衣不解帶者累月

州守顏堯揆旌其門

朱文明妻陳氏無爲人年二十二夫亡撫遺腹子之祚成立
苦節四十五年所守旌之

庠生程九其妻黃氏無爲人夫亡撫子子天撫孫年二十一
守節壽九十五歿所守旌之

劉天寵妻東氏無爲人年十八守節壽三十七府州俱旌以
額

陳昌盛妻朱氏無爲人二十而寡子甫匝月姑老病臥牀第
者逾年氏躬侍湯藥無倦容子亦成立當道屢旌之

進士沈志彬妻劉氏無爲人夫死氏年二十一事翁姑撫孤
成立四十餘年

兵部武選司朱芾煌側室白氏無爲人年二十四夫死遺孤甫七齡矢節教子後子維世以進士爲雲南守備封恭人年至六十

庠生夏風泰妻陸氏無爲人泰早卒氏撫孤日高後高亦早世其婦王氏亦矢節陸得瘋疾臥病三載王氏與同臥起頃刻不離人稱其節孝

謝邦瑜妻伍氏無爲人邦瑜性至孝母卒哀毀成疾喪畢議婚合卺之夕邦瑜卒氏誓死守節邦瑜有弟方孩提氏撫之飲食教誨備至長擇母家妹爲之室州守李璋旌其門曰奇節千秋

潘上選妻關氏無爲人夫病劇割股以救卒不起氏守節教子義方壽至七十

關肇豐妻耿氏無爲人夫歿守節年至七十州守旌之

劉有紱妻朱氏無爲人年二十四夫卒甘貧守節州守旌之姚應龍妻史氏伍國倫妻張氏陳灼妻傅氏黃應儼妻程氏俱無爲人夫死守節

廩生張翹妻丁氏無爲人其媳李氏俱夫死守節李更割股救親時謂一門雙節

陳秀甫妻齊氏無爲人年二十四而孀守節五十年州守屢旌之

管一倫妻汪氏無爲人年二十五夫死守節年逾七十公舉旌獎

庠生葉日翰妻李氏無爲人夫死守節撫弱子成立名重儒林

周希顏妻徐氏無爲人年二十舅姑暨夫咸染疾氏晝夜悲號籲天一月三割股救之後姑及夫又相繼歿氏年二十八忍飢哺孤苦節四十年而卒

楊加臣妻余氏無爲人年十七歸楊甫兩月夫亡立子娶婦繪夫像供之終身不懈苦節六十八年卒年八十有五雍正十三年請旌

廩生高景文妻張氏無爲人年十九適高善事翁姑克盡婦道景文歿氏時年二十四遺孤不育以姪述猷爲嗣苦節自勵訓子成名卒年六十有七諸孫俱列膠庠雍正七年

請旌

袁貽穀妻高氏無爲人高景文女也年二十三夫亡矢志瘞容骨立年四十一卒雍正七年請旌

文學曹開祠妻吳氏無爲人年二十四守節撫子有成魏柏鄉相國旌之

建寧太守吳開允側室朱氏無爲人開允卒氏年二十四守節事嫡竇恭人尤謹壽七十九卒

季應勅妻袁氏無爲人少寡守節事姑盡孝撫襁褓子穉蓮成名年至八十七州守喻珩給匾旌之

庠生劉廷良妻湯氏周忠心妻劉氏周良忱妻倪氏秦鵬翕妻趙氏周家西妻張氏俱無爲人夫死矢志節撫孤

燕時開妻朱氏無爲人年二十九夫故子翼甫八歲氏守節
教子成名壽七十九州牧孟述緒韓淑文相繼旌以額

劉翌明妻季氏無爲人年二十八夫卒遺孤九錫甫七齡氏
苦節自矢教子有方九錫成立拾金還主氏壽登百歲州
守李璋旌其門曰松柏千秋女適季伯昇年二十七夫亡
三子俱幼氏苦節自甘撫孤成立年七十州守李璋旌之
壽至九十六

吳嘉瑞妻滕氏無爲人年二十七瑞歿止生一女氏守終身
女適孫九臯生子世錡亦少寡家貧依從弟吳伯興伯興
教其子成立長不娶曰母性靜潔恐承順不得其人爾及
母卒乃娶

文學錢生廉側室陳氏無爲人年二十七而寡撫二子沆雁
俱成立年八十餘

文學周新側室黃氏無爲人年二十四新卒無子矢志不二
後嫡子鵬卒愛撫嫡孫不啻己出苦節四十餘年

進士吳世基妻汪氏無爲人夫死守節子媳中道繼亡復撫
諸孤成立茹苦數十年壽八十有二

監生吳世恆妻程氏無爲人世恆卒年二十一矢節歷五十
餘年州守李璋旌之

吳世杰妻杭氏吳世泰妻後氏庠生吳韜妻徐氏俱無爲人
少寡守節

魯名世妻張氏無爲人年二十六夫死矢節逾六十年府州

俱旌以額

陳章大妻周氏無爲人年二十二夫卒無子清節誓守州守
胡良佐錫額旌之

陸愛及妻傅氏王文明妻楊氏凌子宐妻張氏徐大禎妻孔
氏文學萬世斌妻曹氏俱無爲人夫死子幼守節終身

畢邦貞妻張氏無爲人早年守節撫孤竟仁成立側室王氏
亦以節著州守張國禎旌其雙節竟仁亦早死其繼室田
氏無出撫竟仁前妻三子侍兩姑孀居以終

文學畢道華妻胡氏無爲人年二十六而寡道華仲弟道卓
妻余氏季弟道岸妻鍾氏亦少寡一門娣姒皆以節稱

李應白妻畢氏年二十三夫歿撫子光孔苦節自甘光孔
卒其妻伍氏亦守節三十餘年無爲州牧胡良佐給匾旌
之

生員季運泰妻郭氏生員季運昌妻錢氏生員張超妻袁氏
翟成名妻陳氏無爲人俱少寡守節

李文良妻周氏無爲人年三十夫死遺腹生子廷寶時親叔
利其財脅令改適氏誓死不從以憂鬱致盲州守王國輔
旌以操堅祿孕後廷寶娶婦生孫承先氏雙目復明壽近
八十終承先亦早亡孫媳鍾氏年二十八亦遺腹生子宗
銘矢節撫孤

沈可揚妻任氏無爲人年三十夫死撫兩子俱成立清節五
十餘年學憲許汝霖旌以額

陸光曉妻劉氏無爲人年二十五夫卒守節五十三載署州
牧魏荔彤錫額旌之

生員呂志孔妻湯氏楊子魏妻張氏其女爲徐啟昇之妻文
學張庚繼妻唐氏張正業妻金氏張必達妻楊氏張必敬
母王氏妻邢氏子秉常妻劉氏張秉綱妻潘氏張秉珩妻
朱氏張世傑妻胡氏俱無爲人皆少寡矢節撫孤張庚子
延祺領雍正壬子鄉薦

王義千妻張氏無爲人少寡家甚貧姑與叔不利其守數以
計去之氏以刃自守族人王若合義之給田數畝使資衣
食以全其節

張秉笏妻吳氏無爲人嫁八月而孀氏飲泣減食骨見衣表
翁姑勉進醫藥泣曰兒不能早從夫於地下今得就木幸
矣何醫爲數月而沒聞者哀之

張必祥無爲人妻陳氏金陵人也旣許字其父知祥老而農
欲悔之氏曰命也金陵之大豈少吾夫而外求焉媒雖狡
天使之爾與祥俱歸甕牖繩樞廚無宿米氏乃悉脫其粧
日勤紡績生一子曰如士在襁褓而祥死日食一粥累月
不見鹽腥鄰母諷之改適氏曰苟圖溫飽當年不爲若婦
矣苦節自甘後其子有田有宅皆氏勤苦所致焉

桐邑周某妻李氏無爲人年十九夫歿子甫三歲舅姑欲令
改適氏誓死不二絕水漿者七日適父母至勸之因隨歸
母家貧甚不能自給十數年後聞舅姑病卽攜其子歸送

終盡禮年五十餘卒於桐邑

庠生季志昂妻許氏無爲人年二十四夫卒煢煢依治家整齊嚴肅撫孤倫成立早入州庠雍正七年請旌

庠生季運燦妻張氏無爲人氏父無子沒時遺金千餘氏以半入宗祠存半爲父立嗣及適季二載而寡氏凜清操撫孤成立時大疫氏侍翁姑親調湯藥辛苦備極疫獨不染鄉里以爲孝感所致

武舉季運新側室劉氏無爲人運新卒時氏年十九嫡馬氏憐其幼且無出令歸母家氏矢志不往朝夕惟嫡是依守貞偕老嫡子國琮娶婦朱氏不數年而國宗亡朱時年甫二十撫孤勵志亦以節終乾隆七年請旌

庠生張昇妻錢氏無爲人夫卒氏年二十遺腹生子可儲守節五十七載卒年七十有七防府陳文燿旌以額

周永宐妻俞氏無爲人年二十一夫亡無子清節苦守逾五十年卒年七十有二防府趙東旭旌以額

劉子祚妻汪氏無爲人年二十一夫亡矢節州守李璋旌以肝腸冰雪子賓婁復早卒其妻汪氏亦誓不再適事姑終養撫子有成州守韓繼先旌以額

謝朝彙妻曹氏無爲人年十九適謝年二十一夫亡生子未育嗣子復天矢志苦守終身如一日卒年八十有二

馮尙宐妻劉氏無爲人年二十一夫故家貧無子母氏屢奪其志氏誓死不從苦節五十載臨終召諸姪告以期及期

端坐而逝時年七十有一

戴朝泰妻裴氏無爲人年二十二夫故子昇甫週歲教之成名州守孫成已旌以額後昇復早死氏與婦潘氏同勵苦操撫孫經綸成立卒年六十有三

張應錦妻蔡氏無爲人夫亡氏年二十五矢節撫孤學備成立學備復早亡遺二孫與媳方氏同勵苦節蔡終年九十六方終年六十六

王從靖妻胡氏無爲人年二十二夫卒撫二幼子苦志守貞卒年五十二

梅能宗妻徐氏無爲人年二十六夫亡矢節翁病兩次割股療之雍正七年請旌

方祚成妻俞氏無爲人年二十二夫卒撫二子成立事姑極孝姑沒時雙足卷曲氏泣抱姑足解懷溫之良久忽伸鄉里欽其節孝卒年九十有七雍正七年請旌

仰前章妻祝氏無爲人年二十七夫卒苦志守貞誨二子成立雍正七年請旌

文學劉士瑤妻潘氏無爲人年二十夫故事孀姑盡孝訓子以義方守志四十六年雍正九年請旌

劉遇聖妻夏氏無爲人年二十四夫卒矢志苦守孝養舅姑撫孤士英成名年八十二雍正九年請旌

丁良嵩妻汪氏無爲人事後姑極孝年二十九夫故撫子大燦成立復早亡媳汪氏年二十六姑婦同守撫育穉孫成

立雍正九年請旌

黃文長妻程氏無爲人二十四夫死子光瑛未及週歲撫孤勵節三十六年雍正十年請旌

閻應科妻吳氏無爲人二十五夫死守志撫孤成名清節六十七年雍正十年請旌

邢國藩妻董氏無爲人年二十四守節近五十年教育二子成名諸孫林立雍正十年請旌

監生張鉞妻何氏無爲人二十六夫死子在田甫三歲撫育成名在田復早故氏同媳劉氏撫育孤孫成立雍正十年請旌

程天修妻朱氏無爲人年二十二夫亡孝養舅姑生養死葬

皆盡禮撫孤學孔成立雍正十二年請旌

傅嗣裘妻吳氏無爲人年二十六夫卒無子立伯氏子爲嗣家貧常不舉火苦節自勵四十餘年

傅嗣哲妻朱氏無爲人少寡守節

庠生何宏毅妻朱氏年二十六守節無子以姪永齡爲嗣學憲鄭公旌以貞範可風永齡亦早卒婦朱氏年二十八亦無子以姪興祚爲嗣孝養曲盡辛苦備嘗

生員劉宗諒妻施氏無爲人年二十二夫亡守節姑性甚嚴氏奉養惟謹年近七旬乃卒

監生蕭通行妻范氏無爲人年十九歸蕭二年而夫歿遺腹生子顯晟苦節自持撫孤成立守節五十六年雍正八年

廬州府志卷四十五
十一
請旌

謝之秉妻巴氏無爲人夫亡守志操作辛勤撫子珍裔成名
雍正八年請旌

監生夏續祖妻周氏無爲人早年夫歿撫孤守志年逾五十
而卒雍正九年請旌

吳允愉妻黃氏無爲人年二十一寡誓以身殉翁姑諭止之仰
事俯育辛苦備嘗五十年如一日雍正十年請旌子復早
故媳楊氏亦同姑撫孤守節十八年而終州守亦先後褒
美之

伍吉妻趙氏無爲人少寡守節

沙福金妻尤氏無爲人年二十四守節撫孤子沙寬成立
媳劉氏寬又卒劉年甫二十三事祖姑及孀姑皆盡孝訓
子以義方四世一身備歷艱苦太守尤公拔世旌其門

生員周開瑤妻畢氏無爲人年二十五寡生子庠化早天婦丁
氏年甫十九姑媳相依守節先後五十餘年乾隆七年請
旌

生員吳聲成妻史氏無爲人年二十六守節子承吉方五歲
撫育成立復早亡遺一孫六歲而夭其婦倪氏亦矢節與
姑零丁相依

夏日新妻袁氏無爲人年十九夫故翁姑垂暮奉侍唯謹養
生送死備極艱辛立姪繼祖早歿復立族姪紹祖亦亡朝
夕惟依弱孫苦節六十餘年卒年八十有七

廩生汪國璋妻卞氏無爲人年二十九守節江防同知趙東旭錫額旌之

郭秉鈞妻錢氏無爲人夫卒母家欲奪其志氏矢死不移姑以哭子喪明氏朝夕扶持惟謹後子媳繼沒止一穉孫氏又撫育十載年五十四乃終時值姑服未闋命以縞素入殮

郭秉鸞妻趙氏無爲人年二十四夫亡無子族人爭立分產氏守清貧紡績度日茹苦三十七年而卒

庠生劉正國妻沈氏金可任妻崔氏俱無爲人夫亡守志

徐大定妻章氏無爲人年十九歲夫歿生子甫三月矢志守貞孝事舅姑終養撫育遺孤有成苦節三十五年乾隆元

年請旌

洪序妻葉氏無爲人年二十五夫死守節五十年雍正十三年請旌

蕭時宐妻張氏無爲人少寡家貧子幼紡紉資給奉姑終養撫孤有成守節二十八年雍正十三年請旌

徐啓昇妻楊氏無爲人年十七歸徐甫二載夫故遺腹六月生子頤撫之成立後因翁姑繼歿哀毀致疾而卒苦志二十六載乾隆三年請旌

伍永遐妻汪氏無爲人年十九甫嫁夫亡矢志守節嘗割股療姑疾無子以姪成爲嗣教之成立苦節近六十年乾隆四年請旌

李文志妻項氏無爲人年二十三歲而寡痛不欲生家人勸之始進飲食教三子課讀有成守節六十二年乾隆四年請旌

丁國梁妻朱氏無爲人年十八嫁二載夫歿苦節六十四年乾隆五年請旌

魯光發妻張氏無爲人侍夫病晝夜不懈者三年及沒氏年二十七扃戶投繯以救免時生子未彌月苦守奉翁姑終養撫弱息有成守節五十六載乾隆五年請旌

汪正鈞妻朱氏無爲人侍夫病者四載及夫歿時年二十七生子甫週歲勵志苦守奉姑終養育子成立乾隆五年請旌

王芬妻季氏無爲人年二十四夫死家貧氏紡績易薪米奉養衰翁教育二孤成立長子永煥補諸生乾隆五年請旌
庠生季上妻奚氏無爲人年二十七夫亡守節撫子國綬國昌成立州境時有水患氏出餘粟周急鄉里藉以安堵者實多乾隆五年請旌

張道揆妻雷氏無爲人年二十七夫死苦節無子姪耀嗣撫育有成乾隆五年請旌

王鳳自妻張氏無爲人年二十二夫死氏斷葷茹素者三十八年乾隆五年請旌

彭朝鼎妻朱氏無爲人訓導朱之彥孫女年十六嫁二十三寡子世俊世澤俱幼翁姑衰病氏服侍終養撫子有成苦節

五十三年乾隆六年請旌

太學生程璉妻巫氏無爲人年二十七守節州府學憲俱旌之以額

文學張延禩妻耿氏無爲人年二十一守節州守旌之

監生徐萬蘇妻謝氏謝世澤妻侯氏劉應龍妻孔氏謝階六妻曹氏俱無爲人夫死守節

朱文猶妻劉氏無爲人年二十八守節州守韓繼先以額旌之

庠生何崇仁妻鮑氏無爲人年二十餘夫死伯利其產知不可奪陰搆強暴逼脅之氏奮身投火焦髮爛面得免已乃苦守三十餘年雍正十二年請旌

朱長國妻夏氏無爲人年十九守節州守姚宗先旌以額

謝邦仁妻子氏無爲人年二十五夫亡甘貧守節州守姚宗先旌以額壽八十有二

廩生汪景鏞妻胡氏無爲人夫死氏時年二十八守節教二子皆成立

凌世琮妻汪氏廩生汪景鏞女年二十六夫卒守節乾隆七年請旌

監生張坦妻趙氏阮兆羲妻張氏朱萬森妻燕氏劉日昇妻石氏朱宸吉妻魯氏沈坦妻吳氏俱無爲人少寡守節撫

孤成立

邢可先妻戴氏無爲人年二十八夫卒甘貧守節州守范從

廬州府志卷四十五
四
徹旌以額

生員呂宏妻丁氏無爲人年二十九守節子自任亦早死婦
丁氏亦守節撫孤

孫天謨妻董氏無爲人夫故守節遺孤兆行後早亡復撫孤
孫孫亦歿數十年辛苦備嘗魏公荔彤旌以額兆行妻呂
氏亦以節稱

王彥臣之母高氏無爲人少寡子彥臣亦早死幼孫亦繼亡
煢煢苦節鄉里哀之

田遜吉妻束氏無爲人嘗割股療母病年十七適田復割股
救姑獲痊後夫病篤又割股救之年未三十夫故矢節數
十年如一日

倪懷簡妻許氏劉自傑妻倪氏俱無爲人年二十四夫死守
節

李方伯妻陳氏無爲人夫死時氏年十八遺腹生子又歿矢
節苦守事姑終養賣屋卜地安葬三代學憲姚公旌之勒
石墓左

謝敬際妻葉氏何繼昇妻許氏齊書伸妻方氏何廷勳妻盛
氏俱無爲人夫亡甘貧守節

周漢臣妻齊氏無爲人早年夫卒子幼家貧苦志獨守脩歷
艱辛乾隆二年請旌

孫彪妻趙氏無爲人年二十四夫亡守節州守李廷煥給額
旌之

陳文衢妻劉氏無爲人夫歿撫遺孤苦節五十載

劉嘉善妻潘氏無爲人姑病刲股和藥以進獲痊夫以療疾
早卒躬耕育子年六十餘

仰瑀妻周氏無爲人夫死氏年二十翁姑憐其少欲令他適
氏以死自誓甘貧苦守

劉公澤妻楊氏庠生劉祐妻謝氏俱無爲人夫死守節

阮嘉行妻陳氏無爲人年二十一夫死子兆麟亦早亡子婦
朱氏年甫十九姑婦矢志苦節相依

監生王乘機妻林氏生員朱軾妻林氏夏雲鷗妻周氏監生
周國聘妻沙氏戴興學妻涂氏庠生吳永言妻劉氏俱無
爲人少寡守節

鄧自芬妻朱氏無爲人年甫十八夫亡生子大中甫四月撫
孤苦守紡績度日大中復早亡偕媳徐氏同撫穉孫昂望
成立乾隆十五年請旌

職監范基成妻秦氏無爲人早孀子自淳亦早卒其妻許氏
撫孤守節克紹其姑

葉有仁妻管氏無爲人少寡守節州守韓繼先旌以節壽堅
貞

邢佑臣妻王氏無爲人年二十夫故姑老家貧遺孤在抱矢
志苦守訓子有成州守韓繼先旌以遐貞永祐

范自得妻汪氏生員張淵妻董氏劉佃妻沈氏閻開泰妻郁
氏張鑑妻朱氏陸光奎繼妻劉氏徐世恩妻沈氏王相國

廣州府志卷四十五
妻孫氏陳太華妻楊氏張勝謨妻汪氏蔣紹緒妻倪氏無
爲人俱夫死甘貧茹苦矢志不移郁氏兩次割股療翁病
兼以孝聞

庠生馬之璇妻陸氏無爲人年二十九夫卒守節州守李廷
煥旌以額

陸光彌妻吳氏無爲人早年夫卒二子俱幼矢志撫孤教誨
成立長子廷望亦早亡其妻邢氏矢志節養姑節孝兼著江
防同知戴中行旌以額

方國佐妻耿氏年二十夫卒生子文甫週歲矢志守撫孤
成立守節七十餘年乾隆十六年請旌

石尙廉妻金氏無爲人年二十五夫亡守節撫子成立乾隆
九年請旌

張某妻盛氏無爲人年二十二夫亡守節

姚之縱妻曹氏無爲人年二十二夫亡無子苦節自甘數十
年如一日州守何經業旌以額

文學倪光仕妻朱氏無爲人年二十四夫亡孀姑年逾六十
長子甫三齡次子在遺腹家計貧難矢志不二仰事俯育
備極辛勤苦節歷三十年而卒

監生沈光斗妻魏氏無爲人年二十五夫卒無子止二女矢
志守節家苦貧紡績度日生平未嘗聞笑語聲卒年七十
有五次女適季任材亦以節稱

秦熊妻劉氏無爲人年二十七夫亡遺孤復歿立姪佑爲嗣

苦節三十七載州守韓繼先給額旌之

庠生謝功勳妻邢氏無爲人年二十七夫卒生子名言未彌月苦節撫孤五十一載年七十八而終

庠生楊澤民妻季氏無爲人年二十六夫歿時妾何氏年二十二生男士鑑甫週歲季與何同志撫孤始終不易乾隆十年請旌

職監凌家滋妻蔣氏無爲人夫歿氏年二十三撫育遺孤辛勤課訓跣步不出戶庭終日檢閱書史凡古列女紀載熟悉胸中後二子相繼早亡立孫承嗣尋鬱鬱以卒年僅五十一

夏日昌妻李氏無爲人年二十五夫卒生子雲璋甫五歲撫

育成立翁姑年老代夫終養苦節垂五十年州守韓開藩旌以額

崔瑤妻董氏無爲人年二十五夫卒子幼家貧矢志苦守撫孤成立備歷艱辛四十七年

唐文炳妻石氏無爲人文炳故氏甫年二十餘撫子守節歷三十三年學憲李鳳翥旌以額

陶奇生妻李氏無爲人年二十四夫死家貧撫育一子苦守三十餘年

庠生汪正豪妻諸氏無爲人歸汪不數年而夫歿遺孤應舉方二齡志凜冰霜課子成立未幾子復亡與媳王氏苦志共守遺孫之僕之備鞠育成人署州事傅公暨州牧李公

俱旌以額

倪本玘妻孫氏無爲人年二十二夫死矢志撫孤國遠成立
孫曾繁衍壽八十有四

倪國璽妻方氏倪國雄妻徐氏俱無爲人國璽早卒方年二
十七矢志守節繼姪良森爲嗣國雄亦早卒徐年二十一
生子良森甫三歲已先繼姆方氏爲子娣姒同勵冰霜撫
一孤成立州守李廷煥旌其雙節江防同知王公純亦書
額旌之

魏光炳妻某氏無爲人年二十七夫病割股救之不痊遺孤
甫數月撫育成人署州事李衍芳旌以額子復早亡其婦
劉氏撫三歲孤亦繼姑志

楊名標妻某氏無爲人年二十二夫故生子未滿月家貧無
依舅親井白撫孤有成卒年七十九州守旌之

庠生金相妻潘氏無爲人夫死無嗣誓死守貞家貧女紅自
給苦節二十餘載而終年五十一

李時妻張氏無爲人年二十三夫卒生子仲杲僅三齡次子
榮在遺腹食貧茹苦撫孤有成厥後家道漸豐孫枝日衍
皆氏一人維持之卒年九十二

鄧之標妻某氏無爲人年二十七夫病割肱療之不起氏勵
志苦守事姑終養訓子有成艱辛五十七載卒年八十有
三署州事魏荔彤旌之

廩生袁楷妻方氏無爲人年二十七夫歿苦志守節教育二

子克繼父志卒年七十有三

趙開士妻唐氏無為人年二十九夫歿飲冰苦守操作辛勤撫子成人年逾六十

潘兆祈妻陳氏無為人年二十八夫病割肱療之不起氏矢志奉姑終養撫子有成卒年七十有一州牧張旌之

李廷鳳妻錢氏無為人年二十九夫亡無依家貧子幼親操井臼撫孤有成卒年七十州守常旌之

芮以良妻李氏無為人年二十七夫亡遺腹生子數月而歿立姪為嗣未幾翁姑繼逝嗣子復亡再立姪撫之已婚生子又溺于水年屆六十撫孤孫熒熒獨處安之以命鄉里咸欽敬之

某妻胡氏無為人年二十一夫亡生子邦勳甫四歲家貧矢志苦守育孤成立卒年五十一

張國祥妻萬氏無為人早寡家貧遺孤在抱氏時年甫十九代夫終養撫子成人署州事魏荔彤旌以額

監生陳道妻王氏無為人事翁姑極孝年二十七夫病割肱療之不起撫七歲孤成人署州事陳慶門旌其節孝

庠生陳端妻張氏無為人年二十六夫亡長子甫四齡次子甫數月氏教養兼至

丁國濬妻劉氏無為人年二十七夫亡家貧苦守撫週歲遺孤成立苦節四十六年

焦尚倫妻朱氏無為人年二十夫死氏誓死守節左右姑側

代子職三十年里人咸稱其節孝

王大模妻張氏無爲人年二十五夫卒生子應鳴甫數月氏撫孤苦守姑病三載服侍湯藥無怠容及翁姑繼沒衣食兩艱而其志益堅後應鳴復早亡與媳何氏兩世孀居同撫穉孫成立

張萬春妻水氏無爲人年二十五夫歿翁姑俱已逝氏矢志苦守撫二叔成立爲完婚雍正十三年請旌

生員柏茂妻洪氏無爲人年二十七夫病刲肱救弗效欲以身殉念姑老子幼無託乃飲泣含辛奉甘旨終養撫藐孤成立守節三十餘年乾隆四年請旌

李士通妻王氏無爲人年二十五夫卒姑孀子幼氏辛勤養育苦志歷三十餘年奉姑終養撫孤成立乾隆二年請旌
劉國寶妻李氏無爲人夫病刲肱以救卒不起氏時年二十四家貧女工自給上奉兩世孀姑終養下撫二子成立苦節三十一年乾隆三年請旌

楊士照妻吳氏無爲人年二十二夫卒上有祖姑垂暮遺孤萬仁甫三齡氏晨昏定省曲盡孝養教子義方守節三十餘年乾隆四年請旌

喻鈞妻錢氏無爲人年二十五夫亡冰蘖自矢訓子業儒守節四十餘年乾隆七年請旌

張翰妻徐氏無爲人事舅姑以孝聞年二十八夫故生遺腹子撫育成立苦節三十年乾隆五年請旌

張時華妻周氏無爲人年二十二夫亡無子立姪爲嗣苦節三十三年乾隆四年請旌

倪邦璉妻彭氏無爲人早年夫卒矢志守貞乾隆五年請旌
徐國瑞妻魯氏無爲人早年夫卒矢志守貞乾隆五年請旌
陳世延妻汪氏無爲人年二十五夫亡茹貧守志孝事翁姑撫孤克思成立卒年七十有二

王國序妻陳氏無爲人年二十四夫歿止遺一女矢志守孤立伯氏子爲嗣撫育有成苦節三十餘年

陳戩思妻李氏無爲人年二十七夫亡孝事翁姑終養撫三幼子皆成立迨年六十餘諸孫林立且見曾孫焉

庠生葉正尉妻曾氏無爲人年二十七夫亡遺腹生子守捷撫育有成卒年七十有五

姚開益妻孫氏無爲人年二十八夫死守節州牧旌以額

周尙道妻王氏無爲人年二十八夫亡子遠孤幼氏矢志苦守上事孀姑終養下撫遺孤成名署州牧陳慶門旌以額
方大元妻洪氏無爲人年二十五夫病刲股療之夫沒奉姑苦守姑老且病藥餌親侍歷寒暑不衰

徐世傑妻方氏無爲人年二十四夫卒撫子貢芳苦守事舅姑終養貢芳亦早卒其妻周氏年二十八朝夕姑側未嘗歸寧州守韓繼先姚宗先先後旌之

俞起雲妻宋氏無爲人年二十四夫故無子苦節五十餘年
鮑殿颺妻徐氏無爲人年二十四夫卒遺腹生一女苦志守

貞年近六十

劉譽煌妻孔氏無爲人夫卒長子甫三齡次子在遺腹家貧苦守撫孤成立

唐智遠妻趙氏無爲人年二十七夫亡子復歿繼立一孫承嗣州守姚宗先旌之

楊君召妻俞氏無爲人年二十八夫卒遺孤希義甫七月家貧無倚苦節自甘撫子成立卒年六十有三

胡光映妻程氏無爲人年二十七夫亡子甫七歲氏含辛苦守撫子有成州守韓繼先旌以額

管茂怡妻周氏無爲人年十九適管五月而夫亡遺腹生子學校矢志立孤父母舅姑慮其年少欲奪其志氏引刀誓

死乃止苦守三十二年而卒

生員李樹妻王氏無爲人年二十一夫亡撫孤苦守歷盡艱辛卒年六十有七

周正卿妻胡氏無爲人年二十五夫亡無子苦志守貞紡績自給

葉時衍妻譚氏無爲人年二十夫亡家貧子幼姑勸令改適氏堅志不從終身茹苦

丁振育妻伍氏無爲人年二十四夫亡子甫週歲撫孤守節垂四十年州守何經業旌以額

湯志旦妻邢氏無爲人年二十五夫卒矢志守貞敬事翁姑撫孤成立

廬州府志卷四十五
周應昇妻胡氏陶大周妻朱氏徐大偉妻錢氏庠生張書昇妻何氏錢桂妻仰氏余德挺妻畢氏俱無爲人皆少年苦節撫孤有成

張繼善妻劉氏無爲人夫病刲股救之不痊時年二十翁姑垂暮遺孤在抱氏矢志苦守代夫終養教子有六後孫枝蕃衍咸謂苦節之報州守張錦旌之

宋可展妻邢氏無爲人年十三姑病篤氏往侍湯藥暗刲股肉進之姑獲愈遂畱侍姑江防同知陳文燿旌以奇孝天成年十八始婚二十六夫卒生子纔十日氏撫孤苦守垂四十餘年

史應蛟妻程氏無爲人年二十七夫卒遺孤甫二齡氏矢志苦守撫孤成立年逾六十乾隆十年請旌

楊世潤妻呂氏無爲人年二十七夫卒生子十恒僅五歲氏辛勤苦守撫子成名江防同知王繩旌以額

庠生朱上妻程氏無爲人上卒氏年二十八遺二女矢志苦守終始不易

俞之揚妻朱氏無爲人年二十六夫卒子幼家貧撫孤苦守侯度恭妻阮氏無爲人年二十五夫卒上事孀姑終養下撫二子成立苦節四十二年

盧德溥妻吳氏無爲人年十四歸盧事翁姑極孝夫病刲股以救不痊氏辛苦持家撫孤惟時成立學憲鄭江旌之

朱應采妻李氏無爲人夫亡氏有娠甫三月矢志不貳閱七

月生子可蕃撫育成立矢節五十一年乾隆十七年請旌
張道暹妻李氏無爲人年二十一夫亡無子矢志守節州守
韓繼先旌以額

鄭逢義妻張氏無爲人年二十四夫卒無子立胞姪萊瑞爲
嗣矢志苦守三十餘年萊瑞復早亡氏偕媳齊氏撫育孤
孫清操同勵

徐大勲妻董氏無爲人夫死矢志守貞四十餘載州守朱肇
基旌以額

徐來宣妻楊氏無爲人年二十適徐甫一載夫卒遺腹生子
恒苦節自守育孤成立終身不出戶庭

陸昌煥妻趙氏無爲人年二十七夫卒生子甫六歲家貧無
倚矢志靡他

湯志祖妻朱氏無爲人年二十五夫歿無子以從姪益言爲
嗣益言復早死其婦朱氏遺腹生子大經姑婦相依同撫
弱息後婦復先亡氏惟穉孫是倚伶仃孤苦備歷艱辛

王承緒妻劉氏無爲人夫亡年甫二十遺孤世禮方在襁褓
家極貧氏上奉太姑及舅姑孝養葬祭如禮撫子成立無
何子又歿遺一孫亦歿境彌苦志彌堅始終一節云

魏士勲妻朱氏無爲人夫早逝遺二孤氏年二十八辛勤撫
育內外肅然

陳世珍妻吳氏無爲人早年夫卒子幼家貧氏辛勤撫孤事
姑極孝人稱其賢

古學儀妻朱氏無爲人年二十三夫歿遺孤尙幼氏矢志孝
事翁姑翁病刲股以救獲痊守節閱三十年乾隆九年請
旌

楊士培妻劉氏無爲人年二十三夫死家貧誓死不二日勤
紡績撫育遺孤士培其伯澤遠嘉氏苦節分田宅贍之以
成其志

周嶽妻閻氏無爲人年二十七夫故矢志苦守教子成立至
二十三歲而亡與媳陳氏共撫二孫辛勤備至

伍杰妻丁氏無爲人夫病篤刲股救之不愈氏時年二十九
生子紳甫三歲清節苦守撫孤成立

徐啓孝妻夏氏無爲人年二十二夫卒生子宗柳方週歲苦
節自甘撫孤成立

何希祐妻俞氏無爲人年十七夫病刲股療之不愈夫死斷
髮自矢苦節終身

陳世信妻張氏無爲人年二十一夫死子復歿氏苦節自守
乾隆十三年請旌

陳世星妻王氏無爲人年二十夫卒子甫週歲矢志苦守孝
事孀姑姑久病服侍湯藥踰年無怠容撫孤凝道成立學
憲嵩公給額旌之

陳世茹妻裴氏無爲人夫卒氏年十九誓死守志世茹弟世
菩亦早死其妻徐氏年二十三娣姒相依同勵冰操敬事
孀姑撫子成立乾隆八年請旌

陳正朋妻程氏無為人年二十五夫卒無嗣矢志苦守

陳正祿妻周氏無為人年十八歸陳逾年夫歿矢志不二孝

事孀姑

貢生朱篁妻程氏無為人年二十八篁卒氏苦守撫孤州守

常公旌以額

仰世培妻吳氏無為人夫歿氏年甫十九矢志守貞孝事孀

姑撫孤成立州守朱肇基旌以額

楊麟牲妻沈氏監生許亮伍妻沙氏丁健六妻巫氏無為人

俱少寡守節撫孤成立

許家振妻吳氏無為人年二十四夫亡守節二十七年乾隆

十二年請旌

劉天燹妻沈氏無為人夫卒年甫十九與孀姑卞氏同居糶

糶相守茹苦不移

吳國瑛妻朱氏無為人年二十夫亡子元斌甫二歲矢志撫

孤迄於成立

王旬妻劉氏無為人旬未婚已患癩疾其父請於氏父宗御

曰吾子已成廢人不若以媵婢代之無誤君女氏聞之自

其父曰命也卒歸王未幾旬歿氏立從姪以承夫嗣清操

自勵矢志不移

監生沈昱妻劉氏無為人劉宗御之次女年二十六昱卒生

子世勳僅三歲氏清節自守撫孤成名

劉日安妻錢氏無為人宗御之冢媳年二十七夫亡子復歿

宗御之仲子曰兆亦早卒其妻謝氏年二十四未有子娣
姒相依同勵苦節

周光瑞無爲人妻方氏巢縣人適周甫二載而夫歿生子未
週歲家極貧氏紡績自給撫孤成立

監生周光敬妻張氏無爲人光敬早歿氏年二十五生子甫
數月其長子係側室蔣氏出氏孝事翁姑養生送死下撫
兩孤蔣氏亦矢志金石氏待之如娣姒焉

張延鐘妻阮氏庠生阮謀女無爲人年二十一夫亡生子甫
三月苦志守貞撫孤成立

施以文妻陳氏無爲人年二十一夫卒生子甫數月矢志苦
守善事孀姑撫孤成立

朱世琪妻馬氏無爲人年十八歸朱逾兩月夫卒家極貧氏
茹苦自守矢志不移

監生張均妻王氏無爲人年二十八夫死守節事孀姑孝養
教兩子皆成立白首冰操內外無間

某妻張氏無爲人年二十五夫歿家極貧子幼氏苦志守貞
撫孤成立

吳必璣妻陳氏戴大貴妻馬氏無爲人俱夫亡甘貧苦節

張世宗妻倪氏無爲人年二十一夫卒子甫週歲姑老家貧
堅貞自矢紡績度日姑臥病久服侍湯藥數年無怠容

王朝佐妻孫氏無爲人年二十五夫沒翁姑早逝伯叔靡依
鬻髮獨居冰操日勵撫孤邦福成立家道克增

陳世蔭妻姚氏無為人年二十一夫卒無子矢志靡他立姪
王尚鰲為嗣撫育成立苦節終身

倪彥輔妻錢氏無為人年十九夫卒立姪仲紀為嗣上事孀
姑下撫嗣子晚歲孫枝林立咸謂節孝之報

庠生吳自東妻周氏無為人年二十六夫歿翁姑衰老生子
甫三日氏泣拜棺前曰妾不敢死矣乃含辛誓守代夫終

養撫孤有成州守常公旌以額

汪有巖妻朱氏無為人年二十適汪奉哀翁孝養備至年二
十八夫亡遺孤良宗甫五歲撫之成立教以義方

庠生關廷獻妻季氏無為人年二十八夫亡長子甫三歲次
子在遺腹氏上事翁姑下育幼子茹苦食貧矢志不變數

十年間殯葬婚娶咸稱禮焉

錢復萃妻李氏無為人年十三喪母事父至孝年二十歸錢
越一載夫沒生女甫四月矢志苦守後女嫁未久亦亡孤

苦伶仃艱辛備極歷二十餘年而終

錢永增妻張氏無為人年二十五夫卒子女俱無矢志苦守
敬事翁姑立週歲堂姪為嗣紡績資生撫之成立

胡天相妻賴氏無為人年十九夫死生子甫週歲氏剪髮自
誓孝事孀姑撫孤成立

季任材妻沈氏無為人年二十適季逾年夫亡無子克勵冰
操獨居一室奉夫神主朝夕拜奠數十年無少間焉乾隆

十八年請旌

季廣臣妻葉氏無爲人年二十四夫卒遺孤二長三齡次數月氏凜冰操治家嚴肅撫子成立克守家風

徐來宗妻劉氏無爲人年二十六夫亡無子徐來官妻季氏亦十九而寡無子姑老家貧姊姒相依同勵苦節數十年如一日

倪廷翰妻關氏無爲人年二十五夫亡生子仲聯甫週歲矢志苦守足跡不出戶庭孝事孀姑撫孤成立

倪世纘妻賈氏無爲人于歸月餘姑病刲股療之獲愈年二十一夫亡無子矢志苦守繼立堂姪爲嗣姑卒奉養庶姑三十餘載無閒言鄉人稱其節孝

監生汪有成妻范氏無爲人年十九夫亡于世桂方在襁褓矢志堅貞撫孤成立乾隆二十年請旌

吳來友妻邢氏無爲人年二十八夫卒長子合珠次子合璉俱幼氏矢志節苦守上事繼姑極孝下育兩孤有成

李承簡妻童氏無爲人年二十一夫病刲股以救不愈子宗幾纒數月辛勤苦守孝事翁姑撫孤成名

監生汪本全妻江氏無爲人年二十五夫卒遺二女矢志苦守立堂姪元仁爲嗣撫育成名

陳昂妻蕭氏無爲人年二十夫卒生子世寧未週歲矢志苦守撫孤成立

朱國宓妻季氏無爲人年十八歸朱逾年夫歿無子矢志不

曾移

管學魁妻夏氏無爲人年二十一夫亡遺孤宏啓方在襁褓
未氏矢志苦守撫孤成立

方森妻王氏無爲人年十八夫亡無子矢志奉養翁姑苦節
二十五年而終

劉居宏妻侯氏無爲人年十九夫卒生子甫週歲矢志苦守
撫孤成立

監生季志明妻奚氏無爲人年二十三夫病刲肱以救不愈
季氏矢志苦守姑病復刲肱以救獲愈遺孤國輔甫二歲撫
育成立卒年五十有六

生員汪述尹妻郭氏無爲人年二十六夫病祝天刲股及夫
卒子潤尙未週晬氏矢志苦守備歷艱辛撫孤子成立卒

年七十有五
孔繼周妻袁氏無爲人年十七歸孔十九夫卒遺腹生子廣

德氏矢志苦守孝事翁姑撫孤成立
季之楨無爲人側室鄭氏金陵人年十七歸楨楨得癩疾喜

愠無常氏辛勤服侍絕無怠容閱數年而楨卒嫡高氏憐
其年幼無出勸歸母家氏矢志與嫡同守朝夕相依終始

不易
陸飛隆妻倪氏無爲人年二十夫卒遺腹生子培氏矢志苦

守撫孤成立
王秉乾妻晏氏無爲人年二十七夫亡長子嘉愷方數齡次

生子嘉鴻甫週歲矢志苦守訓子成名

生員齊賢妻劉氏無爲人年二十九夫故家貧苦守長子登
讀書亦早死妻駱氏年二十七子甫數齡隨姑苦守歷二
十七年卒

李林妻汪氏無爲人夫卒年甫二十矢志守貞撫孤宗膺成
立娶媳錢氏閱數年而宗膺亦死子在襁褓錢事姑育子
備極艱辛州牧李廷煥旌以額

生員王策妻周氏無爲人年二十六夫亡撫子廷舉成立署
州事張安國錫額旌之後廷舉亦死其妻朱氏年甫十九
事姑撫子克勵冰操

監生錢朝掄妻袁氏無爲人年十八歸錢未兩月而夫卒氏
矢志苦守克盡孝思伯翁錢永嘉義之以己孫先登爲之

嗣乾隆十年請旌

陳鑒欽妻閻氏無爲人年二十一夫亡子未彌月守節不移
秦士慎妻曹氏無爲人夫病刲股合藥飲之獲愈逾二載夫
復病氏刲左股見骨暈幾絕士慎知之泣不忍食遂卒氏
年二十三子基元尙幼家素貧矢志苦守紡績課子壽八

十一

賈旻妻朱氏無爲人年二十九夫卒矢志節撫孤事衰翁盡孝
旻姪宐中妻李氏年二十八而寡亦敦節操宐中子復早
死媳萬氏年二十依姑苦守亦矢志不移

吳球妻陳氏無爲人年二十一夫死守節乾隆十七年請旌
吳嗣子志棟亦早死其妻陳氏年二十七守節以終

吳瓊妻鄧氏無爲人夫卒無子氏年二十六苦節自甘隣里
族黨咸欽敬之

陳日鰲妻倪氏無爲人夫死守節乾隆十七年請旌

潘國勳妻楚氏無爲人夫卒無子氏甘貧守節代夫終養終
身無笑容足跡不履戶外乾隆十八年請旌

庠生夏炳妻金氏無爲人年二十八夫死守節四十餘年

增生夏日清妻劉氏無爲人其父嘗爲仇所刺傷胸氏割股
和羹得甦及夫病復割股療之稍痊延三載乃卒氏矢志

冰霜課子孫皆成立親族將上其事氏力止之遂未果請

薛孟球無爲人妻徐氏含山人年二十四夫病割股療之卒
不起氏矢志守節三十餘年

州同流昂側室潘氏無爲人年二十七昂卒守節後子杰培

又卒媳季氏年二十一亦善承姑志兩代孀居冰霜共凜

湯昌大妻秦氏無爲人年二十一夫死撫遺腹子曰義稍長

又亡媳陳氏年二十一孤苦相依克紹姑志

徐永源妻范氏無爲人年二十三夫卒守節姑以割股救翁

致手拘攣飲食不能自進待氏以哺氏親侍養殮至老不

懈撫孤成立苦節四十餘年乾隆四十年請旌

楊國鼎妻劉氏無爲人年二十五夫卒守節後二子繼亡寡

媳幼孫茹苦六十餘年乾隆五十五年請旌

錢亮臣妻劉氏無爲人年二十八夫卒苦節四十六年孫克

燮妻葉氏年二十四夫卒矢志冰操亦善承祖姑志焉

汪鎮妻文氏無爲人年二十五夫卒苦節四十餘年

薛應芳妻方氏無爲人年二十八夫卒守節三十九年

監生魯國寶妻方氏無爲人年二十八夫卒苦節四十餘年

盛肇昇妻沈氏無爲人年二十八夫卒苦節三十餘年

胡瓊妻盛氏無爲人姑早寡多疾兩目俱盲氏事之盡孝及

瓊卒氏年甫逾二十與妾張氏苦守州牧給匾旌之

黃在田妻蔣氏無爲人姑病嘗刲股療之夫病亦然俱獲痊

越五載夫繼姑沒氏年二十五矢志苦守三十餘年

施堯則妻范氏無爲人年二十四夫卒苦節三十五年

何起鳳妻張氏無爲人年二十八夫卒苦節三十年

張永寧妻鄭氏無爲人年二十七夫卒守節

鍾國星妻曾氏郭之楷妻陳氏俱無爲人少寡守節

季國穎妻吳氏無爲人年二十九夫卒矢志苦守弟國顏亦

早死其妻呂氏年二十五亦守節

貢生胡克英妻張氏無爲人年二十二夫卒苦節四十餘年

汪元瀚妻黃氏無爲人年二十六夫卒守節三十年

許永年無爲人妻程氏徽州人夫卒苦節三十餘年

監生張國寶妻潘氏無爲人年二十九夫卒苦節四十餘年

監生湯大本妻錢氏無爲人適湯一年而寡苦節四十餘年

江世澄妻鮑氏無爲人年二十二夫卒守節六十七年

徐光仕妻邢氏無爲人年二十六夫卒守節

監生季鶴舉妻楊氏無爲人年二十六夫卒翁姑先逝子母

溫煢煢苦節三十餘年乾隆四十五年請旌
胡昌邦妻吳氏無爲人年二十二夫卒守節

楊殿英妻耿氏無爲人年二十四夫卒苦節三十餘年

楊士雍無爲人妻吳氏含山人少寡守節五十餘年

戴正舉妻邢氏無爲人年二十一夫死矢節乾隆七年請旌

庠生戴正綱妻汪氏無爲人年十九夫卒苦節自守六十四

歲卒

太學戴天昂妻徐氏無爲人年二十八夫卒守節郡守王宸

旌以額

戴時延妻程氏無爲人年十九夫卒守節三十八歲卒

楊任文妻朱氏無爲人年二十六夫卒守節媳黃氏二十四

歲而寡亦守節不移

秦聰遠妻吳氏無爲人年二十六夫卒苦節四十三年

劉宗藩妻錢氏無爲人年二十六夫卒苦節四十五年

湯咸懷妻夏氏無爲人年二十九夫卒苦節五十一年

李承詔妻錢氏無爲人夫死守節

錢永年妻李氏無爲人夫死苦節四十餘年

汪愷士妻芮氏無爲人年二十七夫卒守節五十二歲卒

楊任遠妻朱氏無爲人年二十九夫卒守節媳蕭氏亦年二

十二少寡守節

王仰曾妻朱氏無爲人年二十七夫卒苦節四十餘年

劉穉廉無爲人妻曹氏巢縣人夫死苦節四十三年

監生唐範治妻劉氏無爲人年二十二夫死苦節三十餘年
劉萬寧妻沈氏無爲人善事孀姑克盡婦道年二十五夫病
刲股者三夫卒守節州牧張僑旌以額

劉國鎡妻杜氏無爲人年二十三夫卒苦節三十餘年
邢自振妻孫氏無爲人年二十七夫卒苦節三十餘年

陳叔旦妻汪氏無爲人年二十夫卒守節壽八十四

葉茂培妻高氏無爲人年二十八夫卒苦節五十六年

周思來妻陳氏無爲人年二十九夫卒苦節三十五年

周國寶妻王氏無爲人年二十七夫卒苦節二十年

周漢傑妻倪氏無爲人年二十七夫卒苦節三十餘年

路林生妻袁氏無爲人年二十三夫卒守節四十三年

徐應鰲妻翟氏無爲人年二十一夫卒苦節自守州牧給匾
旌之

吳守仙妻王氏無爲人年二十五夫卒苦節五十年

吳允麟妻陳氏無爲人年三十夫卒守節

周之秀妻李氏無爲人年十七夫卒苦節六十年州牧顏旌

以額

吳之曷妻古氏無爲人年二十八夫卒苦守三十八年

吳之易妻劉氏無爲人年二十六夫卒苦節三十三年

吳允襄妻蕭氏無爲人年二十三夫卒茹荼數十載郡守州

牧俱旌以額

毛武烈妻張氏無爲人夫病刲股和藥年二十七夫卒苦節

三十餘年州牧馮旌以額

吳之諺妻張氏無爲人年二十六夫卒苦節五十七年州牧

韓旌以額

吳之增妻周氏無爲人年二十五夫卒苦節三十九年

吳之尙妻王氏無爲人年二十六夫卒苦節五十九年

伍光清妻張氏無爲人年二十七夫卒苦節三十餘年州牧

嚴旌以額

伍濂妻潘氏無爲人年二十六夫歿守節終身

伍光洋妻張氏無爲人年二十五夫卒茹荼自守善事翁姑

苦節二十六年

吳之繪妻金氏無爲人年二十八夫卒苦節四十六年

吳一橫妻倪氏無爲人年二十五夫卒苦節四十二年

吳一壽妻汪氏無爲人年二十八夫卒苦節四十餘年

吳守鼎妻鄭氏無爲人年二十三夫卒苦節四十八年州牧

給匾旌之

吳守秀妻蔣氏無爲人年二十九夫卒苦節至八十二歲卒

州牧給匾旌之

陳應策妻任氏無爲人年二十一夫卒苦節至七十四歲卒

陳應忠妻萬氏無爲人年二十三夫卒苦節至八十二歲卒

吳允浚妻張氏無爲人年二十七夫卒苦節至七十七歲卒

吳允椿妻胡氏無爲人年二十五夫卒苦節至七十七歲卒

州牧范旌以額

庠生錢繼灝妻李氏無爲人年二十八夫卒守節至八十四

歲卒

錢象棟妻范氏無爲人年二十二夫卒守節後遇家難舅姑

伯叔相繼而死氏秉義育孤似續賴以不墜

路得明妻管氏無爲人年十九夫卒苦節三十餘年

吳錫晉妻黃氏無爲人年二十一夫卒苦節五十七年州牧

張國楨旌以額

吳元龍妻汪氏無爲人年二十九夫卒苦節至七十七歲卒

方行五妻高氏無爲人年二十一夫卒苦節四十三年

方純一妻張氏無爲人年二十一夫卒家極貧苦節自矢三

十八年

劉廷顛妻何氏無爲人年二十五夫卒守節二十九年乾隆

十五年請旌

陳雲龍妻汪氏無爲人年二十六夫卒守節至五十二歲卒

劉俊妻季氏無爲人年二十七夫卒苦節三十餘年媳丁氏

亦少寡守節

庠生劉鉉妻蕭氏無爲人年二十九夫卒苦節四十餘年

監生劉烈妻魏氏無爲人年二十七夫卒苦節三十餘年其

姆蕭氏亦以節稱

周良鳳妻楊氏無爲人年二十九夫卒守節三十四年州牧

吳李廷煥旌以額

邱序賓妻周氏無爲人年二十一夫卒苦節四十餘年

何世應妻賈氏無爲人夫卒茹藥自守數十年如一日
吳之賢妻馬氏無爲人年二十六夫卒苦節四十六年
吳之瑾妻林氏無爲人年二十六夫卒苦節三十餘年
范有寬妻蔡氏無爲人年二十九夫卒苦節四十餘年
國學蔣念祖妻張氏無爲人年二十六夫卒苦節四十餘年
汪東來妻王氏無爲人年二十四夫卒苦節四十餘年
庠生吳允瑄妻鄭氏無爲人年二十五夫卒守節其子之妻
亦早卒媳王氏年二十七亦守節未幾孫必中又早卒孫
媳魯氏年二十五亦矢志冰霜善承姑志
楊恒周妻凌氏無爲人年二十九夫卒苦節四十餘年
吳之僕妻汪氏無爲人年二十六夫卒苦節五十年

汪羽穢妻朱氏無爲人年二十八夫卒苦節四十年

吳之本妻謝氏無爲人年二十四夫卒苦節五十四年

吳必岐妻范氏無爲人年二十五夫卒苦節四十八年

吳必承妻姜氏無爲人年二十九夫卒苦節四十七年

李大奎妻吳氏無爲人年二十四夫卒苦節三十餘年

宋可捷妻劉氏無爲人年二十九夫卒苦節至七十七卒

吳必煌妻魯氏無爲人年二十六夫卒苦節四十四年

吳之上妻魏氏無爲人年二十九夫卒苦節三十餘年

張正音妻邱氏無爲人年二十四夫卒苦節五十二年乾隆

吳三十七年請旌

仇士綬妻江氏無爲人年二十七夫卒苦節四十餘年

監生江梁妻程氏無爲人年二十一夫卒苦節三十餘年

吳必均妻黃氏無爲人年二十三夫卒苦節數十年如一日

吳必鏈妻劉氏無爲人年二十三夫卒苦節四十八年

李勗妻某氏無爲人年二十一夫卒苦節三十餘年

監生李馨妻劉氏無爲人年二十八夫卒苦節四十餘年

監生蕭萬源妻朱氏無爲人年二十夫卒無子守志二十年

卒乾隆四十年請旌

吳一洪妻倪氏無爲人年二十五夫卒姑衰子幼苦節三十

七年乾隆三十七年請旌

吳一湖妻許氏無爲人年二十五夫卒苦節四十九年

安魁林妻周氏無爲人年二十七夫卒苦節六十年乾隆九

年請旌

陳如山妻李氏無爲人夫亡守節九十餘歲卒

陳宇文妻任氏無爲人年二十四夫卒守節壽近八旬

陶太永妻伍氏無爲人夫死茹苦守節數十年如一日

陳謙吉妻李氏無爲人年二十八夫卒守節年至八十餘

蕭觀有妻范氏無爲人年二十二夫卒苦節三十餘年

孔廣才妻盛氏無爲人年二十三夫卒苦節三十餘年

李國佐妻吳氏無爲人年二十七夫卒守節年至七十餘

吳國輝妻羅氏無爲人夫遠賈數十年不歸氏年二十事上

育下至六十七歲卒節操凜然

黃泮章妻徐氏無爲人年二十四夫卒苦節三十餘年

倪志賢妻楊氏無爲人年二十二夫卒苦節五十餘年
李振遠妻夏氏無爲人年二十八夫卒苦節三十餘年
監生蕭瀛川妻朱氏無爲人夫卒苦節四十年

許承紳妻張氏無爲人年二十六夫卒苦守四十七年

夏序章妻周氏無爲人年二十七夫卒苦節三十二年

胡大恒妻邢氏無爲人年二十二夫卒苦節三十年

范起鳳妻金氏無爲人年二十二夫卒苦節三十餘年

桑之麟妻朱氏無爲人夫死矢志苦守終身不移

郡庠生劉日諧妻方氏無爲人年二十九夫死守節終身

呂士英妻倪氏無爲人年二十三夫卒苦節三十年

監生黃培蓮妻吳氏無爲人年二十五夫卒守節乾隆十

年請旌

鄭福履妻李氏無爲人年二十六夫卒矢志後以老壽終

王必簡妻錢氏無爲人年十九夫卒苦節四十年

監生陳有全妻王氏無爲人年二十七夫卒守節清操不二

監生夏加位妻張氏無爲人年二十五夫卒苦節四十餘年

嘉慶三年請旌

監生于斌妻王氏無爲人年二十八夫死守節事翁姑皆以
壽終性慈祥樂善鄉里貧乏者多周之乾隆四十五年請

旌

馮志濂妻彭氏無爲人年二十四夫卒守節孀居殘瞽氏奉
之極盡孝養時鄰家不戒於火延燒姑室氏冒火負姑出

得不死人驚為神相焉乾隆四十五年請旌
張之楷妻邢氏無為人年二十歲夫死遺腹生子不育苦節
自守乾隆四十七年請旌

監生夏梓妻于氏無為人年十九夫卒守節四十二年嘉慶
二年請旌

庠生宋大伸妻劉氏無為人年二十二夫卒守節奉姑鞠子
孝慈兼盡族里咸敬之

宋正榮妻周氏無為人年二十五夫卒苦節三十餘年

宋允昌妻湯氏無為人年二十四夫卒苦節二十餘年

宋彩玉妻邢氏無為人年二十二夫卒苦節三十餘年

劉宗需妻謝氏無為人年十九夫卒苦節三十七年

魯克翹妻劉氏無為人年二十九夫卒苦節二十年而卒子

繩業年甫十三曾割股救母州牧張僑旌之曰母貞子孝

監生呂之才妻吳氏無為人夫早卒苦節三十餘年

監生張殿瓚妻陳氏無為人年二十八夫卒苦節三十餘年

畢之門妻劉氏無為人年二十六夫卒苦節三十餘年

劉國訓妻周氏無為人年二十八夫卒苦節三十餘年

王璩妻黃氏巢縣人年二十四夫死守節卒年七十五

李初春妻王氏巢縣人年二十五夫死守節六十餘年部院

給匾旌之

趙恆壽母方氏巢縣人年二十八歲夫故恆壽纔四歲氏矢

志撫孤迄于成立

崔傳美妻許氏巢縣人年二十四守節毀容深居三十餘年
親族未有見其面者

生員曹肇錫妻陳氏巢縣人年二十五歲夫亡守節終身

莘吉朗妻錢氏巢縣人年十九夫死矢志撫孤三十餘年

張國綸妻方氏巢縣人國綸死氏年二十八歲無子孀姑在

堂氏茹苦守節垂四十年

張問明妻阮氏巢縣人年二十八夫亡守節壽至八十餘歲

湯潭普妻王氏巢縣人年二十夫亡守節姑病割股療之

生員蔡杭妻楊氏巢縣人杭早逝氏年廿八守節明崇禎乙

亥流賊陷城氏被掠乘間投井若有物負之不得沈賊隨

至下石六七竟不死賊去鄰人縋之出後全節終身

閻熙妻張氏巢縣人夫卒氏年廿六食貧苦節子嗣義曾割

股以療母病

張爾久妻胡氏巢縣人爾久早逝氏年廿四矢節終身

李福汝妻朱氏巢縣人年二十三夫死無嗣苦節自守壽八

十而終

閻宏皓妻蕭氏巢縣人夫卒氏年二十一生子嗣表方二旬

奉姑撫子雍正五年請旌

汪君聘妻王氏巢縣人年五十九夫死子禹南亦早死與媳

黃氏苦節共守雍正七年請旌

廩生翟承璉妻周氏巢縣人年十九夫故守節四十餘載

生員褚英妻胡氏巢縣人年二十夫亡守節五十六年雍正

七年請旌

吳履祐妻沈氏巢縣人年二十適吳未二載夫死守節四十

三年雍正七年請旌

趙秀林妻張氏巢縣人年二十七守節至七十六歲雍正七

年請旌

生員翟永蔚妻吳氏巢縣人年二十一適永蔚永蔚早死氏

守節四十餘年乾隆三十七年請旌

楊荃妻湯氏巢縣人夫死氏年二十四矢節撫孤年六十餘

卒

生員黃文蔚妻曾氏巢縣人年二十七夫歿矢死自守苦志

三十七年

生員沈際亨妻湯氏巢縣人年二十一夫歿苦節四十五年

姪單氏年二十二亦少寡守節二十五載與湯相繼卒

張鳴陽妻奚氏巢縣人年二十八夫亡守節壽六十有四

方以靖妻洪氏巢縣人年十八夫亡守節翦髮自誓年四十

餘卒

生員萬瑋妻吳氏巢縣人年二十八夫死守節後其長子廷

柱亦早死媳尹氏守節如其姑

萊開祚妻曹氏巢縣人年廿七夫死守節年八十七卒

趙嗣盛妻張氏巢縣人年二十二適嗣盛閱四載夫亡苦節

三十一年卒

丁儒尙妻周氏巢縣人年二十八夫亡守節鄉里稱之

生員陳虞英妻陶氏巢縣人年二十夫卒苦節五十五年
生員葛藹齋妻湯氏巢縣人年二十夫死媳陶氏亦少寡均
以節著

魯泗源妻濮氏巢縣人年廿四而寡里人謀強娶之婦持刀
自截其耳乃止苦節四十八年

曹飛羣妻陶氏巢縣人年二十四夫死守節苦節三十五年
國學向柱妻沈氏巢縣人年二十三夫死守節事姑李氏至
孝

生員吳士价妻許氏巢縣人年二十五夫死守節子膾任羅
山長寧兩邑宰有賢聲人以爲母教所致云

何秉恆妻李氏巢縣人年二十夫卒守節奉公姑訓幼子歷
二十五年

太學周洪績妻吳氏巢縣人年廿七夫死氏茹苦守節誓死
不移

生員劉爲龍妻沈氏巢縣人年廿四夫亡子嗣麟亦早死苦
節四十二年

太學沈宗義妻吳氏巢縣人年廿二夫死苦節二十九年

程宏達妻吳氏巢縣人年二十夫病剗股療之竟弗愈氏茹
苦守節年至七十九

李應長妻嚴氏巢縣人年二十七夫死守節壽八十一

陸繼淵妻楊氏巢縣人年二十七夫歿守節終身

趙靜人妻王氏巢縣人年二十五夫死苦節四十餘年

生員閻燕吉妻李氏巢縣人年二十七夫死守節苦志四十

三年

濟南守張肯穀側室楊氏巢縣人年二十四夫死守節四十

四年

生員陳怡妻童氏巢縣人生子可樂數月而寡時年二十五

截髮自誓苦節三十八年

楊虞符妻陶氏巢縣人年二十八夫亡苦節三十九年

項麟生妻黃氏巢縣人年十九夫亡苦節三十一年

生員薛景奎繼室詹氏巢縣人年二十八夫歿矢志不一節

操凜然

李定九妻萬氏巢縣人二十八歲夫亡苦節四十九年

陶念修妻潘氏巢縣人年二十適修未三月夫故氏剪髮日

誓苦節二十九年

廩生周鎮妻葉氏巢縣人年二十夫亡守節三十餘年

尹吉士妻郭氏巢縣人夫亡氏二十二歲守節後子歿孫又

殤氏與媳倪氏相依苦守者數十年

孫毓敏妻張氏巢縣人夫歿氏年二十三守節五十餘年

楊緒若妻曹氏巢縣人年二十夫死苦節四十八年

竇輔之妻呂氏巢縣人年二十七夫亡守節六十餘年

湯澤長母凌氏巢縣人年二十七夫亡苦節四十三年

生員葉正淑母王氏巢縣人年二十六夫歿守節五十餘年

嘗兩次割股以療翁姑病年至八十

趙子林妻張氏巢縣人年二十五夫歿守節三十餘年

葉灝母汪氏巢縣人年廿四夫死苦節二十年

方九鼎妻趙氏巢縣人年二十六夫死苦節二十六年

生員王朝班妻李氏巢縣人年十九夫死守節四十九年

李時傑妻劉氏巢縣人年二十五夫死守節五十七卒

劉錫裔妻湯氏巢縣人年二十二夫歿守節三十四年

袁星妻周氏巢縣人年二十七夫死守節七十三卒

方輔臣母翟氏巢縣人年二十八夫故苦節三十餘年

魏樹彩妻張氏巢縣人年二十三夫歿苦節三十四年

耿必徵妻楊氏巢縣人年十八適耿甫二載夫死苦節二十

九載

李谷香妻周氏巢縣人年三十夫亡守節七十五歲卒

方芝妻張氏巢縣人年二十一夫亡子復殤苦節四十八年

秦懋昭妻陳氏巢縣人年二十四夫死苦節四十四年

秦侶之妻李氏巢縣人夫歿年二十七誓死不二五十二歲

卒

袁國熊妻楊氏巢縣人年二十七夫亡守節年七十卒

生員張玫妻陶氏巢縣人年三十五夫歿守節年至八十四

翟公昭妻濮氏巢縣人年二十六夫歿苦節四十餘年

張慧妻王氏巢縣人年十九守節奉孀姑盡孝闕範肅然

徐宏清母孫氏巢縣人年二十六夫亡守節年至七十二

周次墳妻楊氏巢縣人夫歿年二十一守節二十三年卒

祝倫軼妻周氏巢縣人夫死年二十勵志堅守清操凜然
沈遜妻陳氏巢縣人年二十夫死生子甫一月家貧守志苦
節二十五年卒

李連三妻翟氏巢縣人年十九夫死苦節三十年

周天穎妻錢氏巢縣人年二十四夫亡無子苦節四十年

湯錫衡妻潘氏巢縣人年二十四夫死守節三十餘年

李存彝妻李氏巢縣人年二十四夫亡苦節自守

倪芹三母陳氏巢縣人年二十八夫歿苦節三十餘年

鄭永忠母周氏巢縣人年二十八夫亡苦節四十六年

楊玉先母李氏巢縣人年二十七而寡守節四十六年

李維因妻楊氏巢縣人年二十夫亡守節三十年

生員張鎰妻蔡氏巢縣人年二十九夫死苦節三十餘年

吳興三妻黃氏巢縣人年十七夫死苦節終身

宋秉良妻陶氏巢縣人夫歿氏年二十七苦節終身

李龍生妻沈氏巢縣人年十九夫亡苦節自守

李美如妻孫氏巢縣人年二十七夫亡苦節三十一年

生員李鳴鸞妻孔氏生員葉湑妻方氏尹世方妻陶氏袁子

加妻錢氏周麟妻洪氏錢子佳妻屈氏鄭擎石妻程氏生

員張爰錦妻楊氏王友祥妻崔氏謝承九妻俞氏尹鎮繁

妻韓氏湯羽恆母趙氏俱巢縣人皆少寡守節

單秀章妻王氏巢縣人年二十二夫死甘貧守節鄉里賢之

林子蔭妻雷氏巢縣人年二十三夫亡守節七十五歲卒

湯君懷母谷氏巢縣人年二十九而寡苦節終身

金公調妻邵氏巢縣人其子又韓妻潘氏皆少寡守節

鄧華實妻王氏巢縣人年二十四夫亡守節

趙又尹妻曹氏巢縣人年二十三夫亡守節

趙少悅妻徐氏巢縣人年二十八夫死守節

洪大行妻葛氏巢縣人年二十七夫死守節

生員唐善世妻閻氏巢縣人年二十六夫死守節

俞甸侯妻秦氏巢縣人年二十三夫亡守節清操不二

徐洪勳妻汪氏巢縣人年二十七夫死守節

國學張棣妻劉氏巢縣人夫死西蜀氏年二十九守節終身

葉鵬南妻蔡氏巢縣人年二十九夫死守節

方文石妻徐氏巢縣人年十九夫死守節

吳宰臣妻陳氏巢縣人年二十九夫死守節

周次朋妻宋氏巢縣人年十九夫亡守節

郭緯士妻洪氏巢縣人年十九夫亡守節終身

李子震妻張氏巢縣人年二十八夫死子曙臣又早死與媳

吳氏撫三孫成立備歷辛勤

李芾妻何氏巢縣人年二十六夫死苦節三十三年

金鼎祚妻周氏巢縣人年二十三鼎祚宦廣西卒于官氏聞

訃矢死守節歷五十一年

熊可昌妻尹氏巢縣人年二十一夫死守節

李自純妻李氏巢縣人年二十夫死苦節至六十九歲

李思三妻張氏巢縣人年十九夫故苦節二十五年

宋加奎妻紀氏巢縣人年二十四夫亡苦節終身

生員高鼎妻張氏巢縣人年二十九夫死守節六十餘年

國學汪仁母楊氏巢縣人年二十九夫死守節

程雄母汪氏巢縣人年二十三夫死守節三十年卒

黃宗立妻方氏巢縣人年二十七夫亡守節

吳元璋妻錢氏巢縣人年二十五夫死守節

曹秀為妻袁氏巢縣人年十八夫死守節苦節二十五年

黃培初妻孫氏休寧人寄居於巢年二十五培初死氏苦節

三十年而卒培初弟培元妻程氏亦少寡守節

國學許鎮妻唐氏含山人寄居於巢年二十九夫亡守節

黃子雲妻鄧氏巢縣人年二十二夫亡守節二十年卒

盛崑實妻費氏巢縣人年二十二夫死苦節終身以上巢縣志

廬州府志卷四十六

賜進士出身廬州府知府溫陵張祥雲主修

列女 完節五

儒士蕭嗣珩妻傅氏合肥人二十九歲夫故守節三十餘年
康熙三十九年請旌

儒童楊翼公妻樊氏舒城人年二十一而寡孝事公姑撫育
幼子荼苦五十三載

王之麒妻夏氏廬江人年二十七夫亡事姑訓子年逾七十
右二氏俱雍正八年請旌

葛鏗裔妻唐氏巢縣人年二十三夫亡立姪承嗣侍養翁姑
守節三十四年雍正九年請旌

謝朝鳴妻汪氏舒城人年二十八夫沒奉孀姑以孝撫子
禹成立戚里貧乏者時脫簪珥以濟之守節三十四年

徐士偉妻程氏舒城人年十七歸徐夫以力學致疾氏侍湯
藥衣不解帶者年餘及沒矢志不移事翁姑二十餘年無
怠子尚義成立家道日昌守節五十年

陳岳秀妻蔡氏廬江人年二十四夫亡撫一子二女疊罹兵
燹孝慈克盡苦節五十餘年

右三氏俱雍正十年請旌

丁雪普妻羅氏合肥人年十九夫亡翁姑終養後絕食六日
死年四十七

楊廷褒妻陶氏巢縣人年二十六夫亡奉事翁姑撫子獻謨

長入庠守節四十六年

右二氏俱雍正十一年請旌

儒童蔡永祚妻黃氏舒城人年二十三寡冰霜自矢立夫神
主於翁姑靈位側敬事如在至老不輟守節四十九年雍
正十二年請旌

張承詔妻馬氏無爲人年二十四夫亡守志壽逾七旬雍正
十三年請旌

胡士選妻朱氏合肥人年二十八夫沒守節六十年

州同賈蕃妻葉氏廬江人年十九夫亡稚子天立姪爲嗣守
節四十年

右二氏俱乾隆元年請旌

儒童王紳妻劉氏合肥人年二十六歲寡遺腹生子茂氏孝
養舅姑撫育幼子迄於成立守節三十一年

唐烈懿妻吳氏廬江人年十九夫亡孝事翁姑撫子成立守
節四十三年

儒童周早平妻安氏無爲州人夫亡守節

右三氏俱乾隆二年請旌

儒童周詩妻劉氏合肥人年十六以姑病歸周爲養媳服侍
盡禮姑沒回母家服闋始適詩九載而詩歿孤苦零丁紡
績教子苦節四十二年

儒童戴永德妻郝氏合肥人年二十一夫故誓以身殉翁姑
勸乃止撫姪爲嗣守節三十八年

袁懋佐妻陶氏廬江人年二十八夫亡奉孀姑育幼子卒年
六十一

李銓僕妻盧氏廬江人年二十八夫亡孝養翁姑教子成立
守節二十年

右四氏俱乾隆三年請旌

吏員陸麟閣妻楊氏合肥人年二十二夫亡事翁姑終養撫
遺腹子宏祚成立守節四十二年

楊耿章妻韋氏合肥人年二十五夫亡矢志紡績撫孤守節
二十八年

候選主事陳夢兆妻吳氏合肥人年二十三夫故矢志育養
遺孤守節三十七年

儒童趙懋綱妻胡氏合肥人年二十四夫亡無子姪明嗣孝
事孀姑守節二十九年

王永昇妻劉氏合肥人年二十三夫亡子又殤撫孫獻稚成
立守節五十七年

儒童李麒妻史氏合肥人年二十三夫故事孀姑二十餘年
如一日守節三十八年

王芬妻季氏無爲州人夫亡守節

右七氏俱乾隆四年請旌

儒童程效祖妻吳氏合肥人年二十八夫亡守節三十九年
秦禹文妻孫氏合肥人年十九夫故守節四十年皖臬以青
年失偶白首完貞語獎之

儒童田畬妻董氏合肥人年十九畬沒氏勤十指奉養衰親
撫週歲子成立守節二十九年

虞介梅妻宋氏合肥人年二十一夫故孝事翁姑撫孤成立
守節三十一年

王三仁妻洪氏合肥人年二十五歲寡上事下育守節三十
六年

儒童孫天錫妻董氏合肥人年二十七夫故氏事繼姑孝撫
數月遺孤成立自天錫以上數世柩皆氏爲卜葬守節二
十九年

生員李樞妻孫氏合肥人年二十七夫亡無子姪淳嗣守節
四十六年

龔尙鼇妻王氏合肥人年二十七而寡遺孤甫六月以女紅
養衰病翁姑始終盡禮守節三十三年

舉人考授內閣中書宋嗣炎妻方氏廬江人年二十八夫亡
侍奉翁姑義方教子守節二十年

黃滋和妻查氏廬江人年二十七夫亡乏嗣撫姪如親生上
奉病姑竝撫弱叔守節二十七年

程周岐妻黃氏廬江人年二十七夫亡養姑教子孫燿入郡
庠守節五十四年

右十一氏俱乾隆五年請旌

儒童盧望麟妻王氏合肥人年十九寡性至孝事翁姑先意
承志撫子學禮成立守節三十四年

儒童宋裕仁妻完氏合肥人年十九夫沒三月遺腹生子錦
宗孤苦零丁艱辛備歷守節二十三年

儒童束應元妻沈氏合肥人年二十四夫亡遺腹生子氏奉
舅姑終養撫子成立守節三十六年

儒童潘湄妻沈氏合肥人二十歲寡孝事翁姑歷三十一年
溫銳公妻閻氏合肥人二十八歲夫故守節

周宗禮妻巫氏合肥人年二十四夫亡孝事繼姑撫子兼撫
幼叔守節二十九年

儒童張挺妻李氏合肥人年二十七夫亡紡績奉姑撫子守
節三十六年

龔廷選妻劉氏合肥人年二十三寡仰事俯育資女紅度日

守節二十九年

儒童牛麟箕妻胡氏合肥人年二十六夫亡孝事舅姑撫育

幼子守節四十一年

候選通判陳夢祥妻謝氏合肥人年二十寡遺孤甫數月氏

事姑育子守節三十一年

張先振合肥人妻王氏上海人年二十一夫沒無子姪三聘

嗣孝事孀姑守節三十九年

儒童常應召妻吳氏合肥人年二十夫故無子從姪珮嗣奉

姑育子守節三十七年

生員何紹遜妻龔氏湖廣安仁縣知縣志夔女合肥人年二

十六夫沒無子姪燮嗣守節二十七年

生員李士宏妻吳氏合肥人年二十六而寡事姑撫子紡績

爲生守節四十九年

監生胡其煥妻何氏合肥人年二十寡無子姪永崇嗣家道

中落氏摒擋一切事姑盡禮守節三十五年

王履坦妻吳氏合肥人年二十七夫故守節三十載

右十五氏俱乾隆六年請旌

儒童吳旭昇妻張氏合肥人年二十一夫故孝事翁姑遺孤

甫四月撫之成立守節三十一年

童正甫妻守氏合肥人年十九夫故守節七十二載年九十

餘

儒童李士衡妻楊氏合肥人年二十五歲寡姑孀子幼事育

兼勤守節三十一年

儒童王士麟妻羅氏合肥人年二十一夫故無子孝奉翁姑立姪爲嗣守節三十年

生員劉志達妻張氏合肥人年二十夫亡遺孤甫三月逮事祖翁姑及翁姑極盡誠孝守節四十年

儒童唐三元妻王氏合肥人年二十而寡孝事翁姑撫遺腹子成立守節五十六年

生員徐蜀江妻李氏合肥人年二十七夫故力貧矢志孝親鞠子守節二十九年

儒童張蕙繼妻何氏合肥人年二十六夫故孝事孀姑撫前妻子如已出守節三十四年

馬榮妻陳氏合肥人年二十八夫亡姑孀子幼勤鍼紉以資養育守節四十二年

司明寰妻宋氏合肥人年十九歲寡家貧恃十指以奉翁姑撫八月孤成立守節五十三年

衛端毅妻汪氏合肥人年二十八夫沒矢志孝翁姑撫幼子守節三十一年

邱瑛妻周氏合肥人年二十八瑛沒無嗣立姪芝爲子氏仰事俯育守節二十五年

儒童蔡舉妻楊氏合肥人進士雲旌女年二十舉故守節三十八年

許簡妻汪氏廬江人年二十七夫亡痛絕復甦柏舟自矢仰

奉翁姑俯育遺子卒年八十四

州判許應元妻孫氏廬江人年二十二夫亡誓從地下姑勸苦守卒年七十

金淑士妻施氏廬江人年二十五夫亡事姑誠孝撫百日遺孤迄於成立守節三十五年

周庠化妻丁氏無爲州人年二十二夫故侍養孀姑立姪承嗣守節四十二年

倪光賢妻李氏無爲州人年十九夫故割耳殉棺遺腹生女立姪爲嗣姑病痿痺寒暑侍奉不輟守節三十四年

汪七德妻吳氏巢縣人年二十九夫亡孝事孀姑撫幼子欽元成立守節三十一年

右十九氏俱乾隆七年請旌

貢生李煊妻沈氏合肥人年二十九夫沒事翁以孝撫子坦讀書入郡庠守節二十五年

姚宏裔妻程氏合肥人年二十五夫亡誓守上事下育恩義兼盡守節四十四年

儒童程遜妻余氏合肥人甫十九而寡無子立姪爲嗣孝奉孀姑苦節三十二年

儒童雷琦妻許氏合肥人年二十六夫亡無子姪承先嗣氏孝姑鞠幼守節二十五年

儒童蔡曷妻李氏合肥人年二十七夫亡矢志撫孤守節三十三年

生員蔡雯妻栗氏合肥人年二十六夫亡無子姪玉田嗣養
姑撫嗣息守節二十五年

陸士宏妻楊氏合肥人年二十八夫亡孝翁姑撫幼子守節
四十年

生員王元勳妻趙氏合肥人年二十四夫亡矢志事翁姑問
視無缺教子有方苦節二十七年

婁序益妻張氏合肥人年二十七而寡孝奉翁姑親操井臼
守節四十年

儒童孫廷璧妻何氏合肥人年二十四夫亡無子矢志奉舅
姑育嗣子守節三十三年

生員程正笏妻李氏合肥人年二十九夫故無子哀毀骨立
善事翁姑嗣子又天守節三十五年

儒童葉兆秀妻程氏合肥人年二十八夫亡力營喪葬居常
蓬首垢面足不踰閭教子國馥讀書入邑庠

儒童王萬佐妻余氏合肥人年二十二夫亡生逢多難矢志
靡他撫子德純成立守節六十七年

拔貢戶部廣西司主事程本道合肥人繼妻劉氏上元人年
二十于歸甫至京邸夫已病篤氏侍湯藥惟謹及沒矢志
隨孀姑扶襯歸里料理喪葬守節五十一年

楊明策妻吳氏合肥人年二十一夫亡遺孤甫七日氏仰事
俯育守節五十年

董九思妻陳氏合肥人年二十六夫沒無子誓自縊以殉家

人勸止之夫殯日魂旛斷而復續眾曰此必遺腹生男兆也未幾果生子汝轍氏孝事高堂教子力學守節三十五年

儒童胡宗禹妻巫氏合肥人年二十二夫故孝事翁姑守節四十二年

儒童程式伊妻高氏合肥人年二十六夫亡事孀姑以孝聞儒童周之德妻李氏合肥人夫亡矢志事孀祖姑及翁姑以孝稱守節三十三年

儒童王盛妻周氏合肥人年二十五而寡無子姪政嗣氏上奉翁姑下撫嗣息守節二十六年

儒童吳雲黻妻王氏合肥人年十九夫沒女孀子幼事育辛勤守節四十三年

生員田宜妻婁氏合肥人年二十六宜故紡績度日奉垂老翁姑以孝守節二十五年

儒童陳起鳳妻蔣氏合肥人年二十六夫亡矢志撫子成立守節三十六年

儒童許孫茂妻高氏合肥人年二十而寡無子氏孝孀姑撫嗣子守節五十二年

生員程志鼈妻龔氏合肥人年二十四夫故孀姑已邁撫孤成立未幾姑暨子相繼死又撫孫守節三十五年

許又公妻杜氏合肥人年二十五夫故門祚衰薄無依氏守一子辛勤撫育至子成人苦節二十九年

儒童李芳其妻張氏合肥人年二十而寡矢志勵節姑病值天旱思新雨水氏哭禱于烈日中旋得雨姑飲之立愈里人咸稱其孝

許五重妻瞿氏合肥人年十九生子三月而五重沒子甫成立又天氏堅志不二孝事翁姑終養守節三十六年

儒童許含玉妻王氏合肥人年二十五夫亡矢志侍奉翁姑終養喪葬如禮教子尙仁成立守節三十五年

儒童李顯誠妻朱氏合肥人年二十八夫亡遺二孤甫襁褓堂上雙棺未葬氏力營窀穸獨任劬勞守節三十二年

儒童陶禮妻王氏合肥人年二十而寡家貧生計艱窘夫族令歸依母家氏曰爲夫守節乃令陶氏祖宗失祀耶耐貧

撫子守節三十二年

陳長禔妻李氏廬江人年二十五夫亡無子誓願偕亡不食七日翁姑勸止之立姪爲嗣苦守三十五年

董之樑妻龔氏無爲州人夫故守節

王渭自妻童氏無爲州人年二十五夫故上奉衰翁泮澹無缺撫育嗣子成立守節四十三年

朱宮木妻魯氏無爲州人年二十五夫故守節四十五年

朱楫妻黃氏無爲州人年二十六夫故公姑年邁養葬盡禮立姪嗣守節三十四年

朱振權妻程氏無爲州人年十八夫故孝事翁姑遺孤襁褓撫育辛勤苦節三十八年

右三十七氏俱乾隆八年請旌

吳山輝妻陸氏合肥人年二十四夫沒翁姑在堂問視盡禮
生率寡言笑教子有方守節四十五年

儒童王有典妻彭氏合肥人年二十一夫亡紡績以奉孀姑
撫子成立守節三十三年

儒童龔應璇妻賈氏合肥人夫亡孝事繼姑一子早逝撫嗣
子成立守節四十五年

生員俞沂妻范氏合肥人年二十四夫沒後翁姑繼沒氏拮
据營葬盡哀盡禮撫子成立守節五十年

儒童王廷弼妻解氏合肥人年二十三夫亡事舅姑終養撫
子成立守節三十七年

儒童李盈鹵妻鄒氏合肥人年二十四夫亡誓以身殉姑力
勸乃止事姑至孝每值姑與夫忌日盡哀盡禮歷三十餘
年

儒童汪淑妻郭氏合肥人年二十而寡遺腹生子氏孝奉衰
翁養葬如禮守節六十五年

儒童竇龍騏妻陸氏合肥人年二十五夫故撫子成立未幾
子婦相繼天遺一孫賴氏撫育守節三十九年

朱玉翠妻劉氏合肥人年二十二夫亡遺腹生子啟東家徹
貧氏晝夜紡織孝奉孀姑時或斷炊不苟爲借貸守節三

十一年

陳九有妻丁氏合肥人二十九歲夫沒奉翁姑撫幼子守節

三十三年

儒童魏義忠妻徐氏合肥人年二十七而寡無子姪紹良嗣
守節三十四年

生員王允龠妻張氏合肥人年二十夫亡絕粒三日孀姑諭
之乃忍死家徒四壁鍼帶爲生撫子成立守節五十八年
陳公錫妻丁氏合肥人年二十七夫故甘貧誓守孝孀姑撫
幼子苦歷三十八年

吳浩妻郭氏合肥人年二十二夫亡遺孤楷甫週歲事翁姑
終養育子成立守節四十九年

衛萬郁妻胡氏合肥人年二十八夫故紡織以奉孀姑撫子
成立守節四十二年

儒童柏之濬妻白氏合肥人年二十三夫沒痛絕復甦遺腹
生子延師課讀

儒童韋君容妻楚氏合肥人年二十三夫沒孝養翁姑恩勤
孤子守節六十年

汪千一妻戴氏舒城人夫故守節

王士禧妻周氏無爲州人夫故守節
儒童盛士進妻安氏無爲州人年二十八夫故孝養翁姑撫
育幼子子亡又撫孫守節五十年

右二十氏俱乾隆九年請旌

高千若妻張氏合肥人年三十一夫亡孝事舅姑撫子成立
守節二十九年

謝錦壽妻程氏合肥人二十二歲寡孀姑幼子事育兼至歷三十年

儒童魏廷桂妻許氏合肥人年二十八歲寡矢志事翁姑撫幼子守節二十九年

儒童陸洪綱妻阮氏合肥人年二十二夫亡矢志不二紡績以奉翁姑鞠子成立守節四十六年

儒童曹瑞堯妻葛氏合肥人年二十六而寡上事翁姑下育幼子茹荼飲藥守節三十五年

倪康侯妻朱氏無爲州人夫故守節生員劉宏顯妻汪氏無爲州人夫亡守節

汪士潤妻虞氏無爲州人年二十四夫死守節三十四年

魯尚聲妻昂氏合肥人年二十四夫病刲股療之不愈氏矢志守節年七十卒

右九氏俱乾隆十年請旌

史興隆妻王氏合肥人年二十三夫故矢志靡他孝事公姑及孀祖姑兩世喪葬皆盡禮撫幼子穉叔成立婚娶皆氏指所積苦節四十年

儒童葛文中妻楊氏合肥人年二十一夫亡事翁姑勤紡織以供甘旨撫穉子成立守節三十年

儒童李士珠妻俞氏合肥人年二十二夫亡遺腹生子鼎氏孝事翁姑育子成立守節二十九年

儒童蔡庚妻吳氏合肥人年二十一夫亡無子姪崇嗣仰事

俯育孝慈并至守節三十年

張維珍妻沈氏合肥人年二十八夫亡子天立姪為嗣孝養

翁姑守節五十二年

生員李德容妻謝氏合肥人年二十九夫沒公姑俱邁氏能

博歡心及歿營葬如禮守節二十二年

吳仲士妻劉氏合肥人年二十六歲夫沒無子力貧矢節勤

鍼紉以供甘旨養葬如禮歷四十七年

鮑之俊妻蔡氏合肥人年二十三夫亡茹荼勵志孝慈兼盡

守節四十八年

儒童王澤遠妻許氏合肥人年二十七夫故矢志事舅姑食

必親調舅病夫已臥牀營備棺衾竭盡心力以慰夫心後

於姑病亦能盡孝守節三十一年

儒童趙師扑妻魯氏合肥人年二十而寡氏天性誠孝夫沒

後日侍姑側姑病篤寢興扶抱歷百晝夜無倦沒後親至

殯所築土成墳歸家斷葷茹素鍼黹度日苦節七十年

唐和三妻蔡氏合肥人年二十五夫亡矢志侍奉公姑育稚

子守節四十一年

鮑宜極妻傅氏合肥人年二十五夫亡甘貧孝事孀姑子玉

樹生甫七月撫教成立守節四十三年

監生黃士璋妻杜氏合肥人年二十五夫亡遺孤甫旬日氏

孝公姑和妯娌撫育雛兒艱辛備歷守節四十八年

王長瓚廬江人妻鄭氏歙縣人年二十七夫亡養姑教子紡

績艱辛守節三十八年

增生盧之巽妻畢氏廬江人年二十七夫亡侍養翁姑訓子成立孫莊與領甲子鄉薦守節二十六年

徐自湘妻朱氏廬江人年二十七夫亡事翁姑撫幼子守節三十八年

生員徐洛妻汪氏廬江人年二十九夫亡奉翁姑訓幼子辛勤備至守節二十八年

蔡日和妻羊氏廬江人年二十九夫亡侍養孀姑三子嗷嗷備嘗艱苦守節四十一年

孫旣秩妻王氏廬江人年二十二夫亡奉養翁姑撫育幼子守節三十一年

右十九氏俱乾隆十一年請旌

儒童劉煥妻王氏合肥人年二十二夫沒無子姪思溫嗣上事下育守節三十六年

候選州同蕭藻妻董氏合肥人夫亡家貧矢志守節

儒童周道昌妻王氏合肥人年二十一夫亡無子姪燦嗣守節六十六年

儒童王倫昇妻婁氏合肥人年二十六夫亡矢志事孀姑撫弱息積誠齋營葬三世枯骸守節二十七年

蔡卓妻應氏合肥人年二十六夫亡無子姪純嗣孝事孀姑養葬如禮守節二十九年

婁奎燦妻吳氏合肥人年二十八夫沒孀姑弱息相依爲命

有小姑家貧孀姑鍾愛之氏先意承志家產與小姑均分
無怨言守節四十年

生員丁大順妻李氏合肥人年二十三夫亡矢志養公姑三
十年無缺禮教子有方守節五十五年

儒童胡萬貴妻陶氏合肥人年二十四夫故孝奉孀姑飲食
必相其所嗜者以進二子成立相繼早亡惟日與兩孀婦
教育稚孫守節三十五年

儒童楊立仁妻陳氏合肥人年二十五夫以力學染疾氏祈
天願以身代及沒將以死殉孀姑諭止之遺腹生子式道
仰事俯育茶蓼備嘗守節四十七年

李鳳寧妻曹氏合肥人年二十六夫亡矢志事翁姑以孝育
幼子成立又撫遺孫守節四十八年

李三重妻洪氏合肥人年十六于歸時公姑已故雙柩在堂
氏侍奉如生二十八歲夫沒子國勳甫四歲氏子立無依
賴紡績營葬如禮守節四十年

儒童陳會吉妻鍾氏合肥人二十四歲寡以上有孀姑忍死
守志姑沒營葬後於墓傍建屋朝夕居守苦節三十一年

儒童陳大章妻鍾氏合肥人年二十五夫故奉公姑撫幼子
耕織辛勤守節四十七年

丁方林妻賀氏合肥人年二十四夫故姑孀子幼孝慈兼至
守節三十七年

張振允妻吳氏廬江人年十八夫亡遺孤十歲僅五月仰事

俯育士爽入泮守節三十四年

江世潤妻虞氏無爲州人年二十四夫故奉養翁姑躬操紡績教子義方守節三十四年

右十六氏俱乾隆十二年請旌

儒童周士冕妻胡氏合肥人年二十一夫亡子夭姪政嗣撫之成立守節三十六年

尹有章妻魯氏合肥人年二十七夫亡茹貧矢志苦歷四十八年

曾日俊妻劉氏合肥人年十八歸曾以孝得堂上歡心二十九歲夫歿矢志撫子宗魯成立入邑庠

許進公妻李氏合肥人年二十四夫沒家極貧氏紡績養舅姑撫子傑士已成立而夫又撫孫守節三十八年

儒童張朝佐妻王氏合肥人年十七嫁二十一歲寡無子立姪爲嗣家徒四壁氏甘貧養舅姑必誠必敬撫子成立守節三十年

鮑必紹妻王氏合肥人年二十六夫亡遺孤生甫三日氏辛勤鞠養翁姑喪子之痛以紓苦節三十六年

蘇紹紳妻劉氏合肥人年二十六夫亡堂上二老年俱邁氏力供甘旨務得歡心守節三十七年

儒童蕭芾妻趙氏合肥人年十六于歸十九夫故孝事孀姑侍奉不缺撫週歲孤至于成立及姑沒喪祭殯葬氏竭力經營如禮守節四十七年

何崑妻陳氏廬江人年二十四夫亡承順翁姑撫二子成立
守節四十七年

周卞石妻方氏廬江人年二十八夫亡踰年翁姑連逝孤子
天亡氏形單影隻苦節五十二年

左會遠妻李氏廬江人年二十二夫亡遺子三歲氏孝事翁
姑慈訓幼子守節四十六年

陳世信妻張氏無爲州人年二十五夫故無子哀毀絕粒以
翁姑勸諭強起立姪撫育成人守節三十九年

王道恆妻洪氏無爲州人年二十五夫故子甫一週矢志守
節孝養翁姑鞠幼子歷二十九年

監生朱子珊妻蕭氏無爲州人年二十四夫故孝養公姑一
子又亡媳沈氏雙寡相依茹荼集蓼苦節四十一年

鄭文光妻姚氏無爲州人年二十一夫故遺腹五月生子茂
裔氏與祖姑姑三世孀居守節三十八年

朱智佑妻沈氏無爲州人年二十六夫亡姑老子幼紡績經
營以供甘旨育子成立守節二十六年

生員陳鼎新妻羅氏無爲州人年二十四夫故子方襁褓力
勤紡績以養翁姑守節六十三年

羅懷母李氏無爲州人歷事四姑孝義兼盡
儒童盛光宏妻廖氏無爲州人年二十六夫亡上事下育守
節三十六年

許國銜妻洪氏無爲州人年二十五夫故奉翁姑撫孤子守

節三十五年

鄭純仁妻朱氏無爲州人年二十八夫故事姑惟謹媳與孫婦皆少寡門清如水守節五十三年

鄭淑芳妻汪氏無爲州人年二十夫故奉事孀姑撫子成立子亡與寡媳相依守節五十五年

張志誠妻吳氏巢縣人年二十一夫亡奉事翁姑撫幼子朝鼎成立守節四十七年

右二十三氏俱乾隆十三年請旌

儒童鄭世棟妻巫氏合肥人年二十一夫沒絕粒五日公姑諭止之乃矢志撫孤代夫終養喪葬盡禮守節三十一年儒童完球妻袁氏合肥人年二十四夫沒氏孀居矢志家貧

竭力以奉翁姑翁沒姑兩目皆瞽氏食必親侍行必親扶苦節三十年

儒童王冕妻沈氏合肥人年二十三夫故家貧紡織爲生仰事俯育守節三十年

儒童完珮妻李氏合肥人年二十四夫沒力貧矢志孝事孀姑冬夏操作紡績不倦親戚困乏者時分所有以飲助之守節三十年

盛子成妻程氏舒城人夫故守節

監生湯惟一妻賈氏舒城人夫故守節

生員李捷妻王氏舒城人夫故守節

曾聞箴妻謝氏舒城人夫故守節

廬江人年二十七夫亡孝事繼姑撫二子成立守節十六年

谷其志妻丁氏廬江人年二十二夫亡事翁姑撫穉子勤苦至老不倦守節三十二年

李登瀛妻汪氏廬江人年二十二夫亡孝事翁姑姪賢裔嗣守節三十年

嚴大賓妻金氏廬江人年十九夫亡事姑以孝撫子以慈鍼紉紡績歷盡艱辛守節二十九年

張和妻楊氏廬江人年十九夫亡遺孤二齡紡績教訓苦節三十九年

徐景南妻黃氏巢縣人年二十六夫貿易不回氏守節三十五年

李淑廣妻闕氏巢縣人夫亡守節右十五氏俱乾隆十四年請旌

劉乘麟妻胡氏廬江人年十七夫亡遺腹生子嵩上事翁姑下撫幼子守節四十二年

儒童孔興誠妻滕氏舒城人夫故守節生員朱能妻趙氏舒城人夫故守節子生員朱麟

右三氏俱乾隆十五年請旌

儒童王士道妻施氏合肥人年二十七夫亡矢志孝事祖姑及公姑承顏順志厥後喪葬皆氏爲經理守節四十七年蔡業迪妻王氏合肥人年十七于歸夫已病氏朝夕侍奉越

五年夫沒家計日窘氏竭十指以奉孀姑衾衫典盡淚血
交枯撫子成立苦節五十年

王志翔妻汪氏合肥人年二十一夫亡遺孤甫八月氏矢志
養翁姑撫弱息守節三十四年

湯婉妻汪氏合肥人年十八嫁二十歲寡遺腹四月生男氏
矢志事翁姑養葬如禮教子有方守節三十一年

樊士球妻蔡氏合肥人年二十二夫亡無子姪伸嗣氏孝事
尊嫜撫伸成立及受室旋卒偕媳撫五月孤孫苦節三十
一年

生員程廷穎妻徐氏合肥人甫二十而夫沒無子絕粒數日
戚屬勸之乃復食氏事公姑以孝聞越十五載病篤臨終
之前夕具冠笄命婢扶掖拜公姑前曰氏上不能終養下
不能撫子罪莫大於此遂哽咽不語越夕而卒計守節十
五年

韓琦徵妻程氏廬江人年二十七夫亡翁姑年邁孤七齡仰
事俯育勵節彌堅歷三十五年

儒童王福裕妻仇氏無爲州人年二十四夫故孀姑垂老遺
孤週歲閨門謹嚴守節三十一年

王世俊妻徐氏無爲州人年三十夫故遺子週歲紡績資生
竭力奉姑守節三十二年

儒童楊遇宗妻吳氏無爲州人年二十六夫故上有孀姑侍
奉不怠遺孤襁褓撫育辛勤守節二十九年

東三錫妻蔣氏無爲州人年二十五夫故遺腹生男翁姑在堂氏躬勤紡績以資孝養守節三十五年

時合俊妻楊氏無爲州人年二十三夫故誓以身殉舅姑勸諭乃止立子爲嗣守節三十八年

右十二氏俱乾隆十七年請旌

儒童許忠藹妻楊氏合肥人年二十五夫亡無子姪孝升嗣仰事俯育守節三十六年

儒童沈世珣妻袁氏合肥人年二十三夫亡家貧戚屬勸令改適氏痛哭閉戶自縊以救免遂截髮自守終養祖姑及公姑喪葬如禮立姪彬爲嗣守節二十八年

程駿妻李氏合肥人年二十一夫亡無子立姪鳴爲嗣撫教

成立入邑庠守節三十年

儒童鄭尙益妻吳氏合肥人年二十六寡孝奉高堂恩勤弱息仰事俯育守節二十四年

儒童徐啟裴妻王氏無爲州人年十九夫故孝敬公姑立姪爲子守節四十五年

儒童張光燭妻周氏無爲州人年二十夫亡翁姑在堂日俱甘旨立姪爲嗣守節三十一年

右六氏俱乾隆十八年請旌

程友琴妻江氏無爲州人年二十二夫故翁姑衰朽遺孤在抱女工不輟以供饘鬻守節五十一年

儒童東太生妻陳氏無爲州人年二十七夫亡誓不欲生因

翁姑悲痛成疾氏強爲恬豫以慰堂上心家貧饔飧不繼典賣簪珥以充膳守節四十四年

魯國英妻朱氏無爲州人年十九夫亡家貧甚氏念翁姑衰邁侍養無人忍死靡他下憐幼子撫育艱辛鍼紉度日足不踰閭守節三十四年

右三氏俱乾隆十九年請旌

郭某妻宋氏合肥人年十七于歸二十而寡無子念高堂侍奉無人乃忍死苦節三十年

潘嗣植妻涂氏舒城人年十八歲歸潘二年夫卒撫遺腹子成立敬事翁姑守節四十八年

呂宛才妻胡氏廬江人年十九夫亡遺腹生子姑得痿症氏侍疾九年不懈守節三十五年

完承宗妻袁氏合肥人年二十夫歿守節撫孤
右四氏俱乾隆二十年請旌

生員李昉棧妻陸氏湖廣公安縣知縣守塚女合肥人年十七于歸二十一夫亡先是昉棧病時時以雙親未葬爲恨及昉棧卒氏盡脫簪珥竭力營葬置祭田于墓側以供時祀而自給則仍取資于十指守節二十四年

監生董德常妻汪氏合肥人早年守節

右二氏俱乾隆二十二年請旌

朱世奇妻夏氏廬江人年二十二夫亡姑老病竭力奉養擇嗣承祧守節三十一年乾隆二十四年請旌

陳桂丹母劉氏合肥人年十九歸陳二十五歲而寡奉事公姑盡孝家貧日勤紡績以供甘旨教子成立守節四十五年

阮嘉行妻陳氏無爲州人年二十一夫故苦節六十三年
右二氏俱乾隆二十六年請旌

沈文綱妻劉氏合肥人年二十一夫沒無子姪臘保嗣家貧鬻簪珥以奉孀姑撫嗣子如已出守節三十九年

單校妻李氏合肥人年二十二夫亡矢志不二孀姑幼子養育兼勤守節四十年

湯懋紳妻葛氏巢縣人年二十六夫亡孝事繼姑立姪爲嗣守節二十七年

俞漢音妻洪氏無爲州人年十九夫故無子貧苦艱難立子承嗣家貧奉翁姑以孝守節二十九年

右四氏俱乾隆二十七年請旌

陸與妻吳氏合肥人青年守節孝義兼全阨窮堪憫

儒童靳紹文妻蔡氏合肥人年二十七夫亡矢志柏舟家貧遇歲歉編績草冠度日上事下育苦歷五十四年

韓百齡妻程氏廬江人年二十五夫亡遺腹生子孝養祖翁姑及孀姑守節三十五年乾隆二十八年請旌

儒童胡炯妻戴氏合肥人年十九寡無子立姪爲嗣生計蕭條挑菜度日上有孀姑氏心不自安時自飲泣苦節三十二年乾隆二十九年請旌

廬山府志卷四十六
三
蔡敏妻王氏合肥人事翁姑克盡孝養年二十四敏卒氏已
絕粒七日姑泣勸之氏曰我誤矣我責固未終也自是益
孝謹守節四十七年乾隆三十年請旌

陳桂三妻趙氏合肥人年二十寡冰霜自矢終養公姑撫嗣
子崙成立守節三十五年

鄭大興妻阮氏合肥人年二十八夫亡矢志孝孀姑育幼子
守節六十二年

右二氏俱乾隆三十一年請旌

楊奕緒妻劉氏巢縣人年二十五夫亡事祖舅孀姑不怠遺
子天亡立姪爲嗣守節四十九年乾隆三十二年請旌

監生錢鳴琦廬江人妻王氏舒城人年二十三夫亡奉翁姑

撫幼子篝燈紡績娶媳魯氏子又亡立姪華爲子立姪孫
元捷爲孫姑媳相依勤勞備至守節三十七年乾隆三十
三年請旌

包天朝妻成氏合肥人宋樞密副使拯裔孫媳也十七歸包
越六載夫沒孝事祖姑及公姑養葬如禮二子相繼死姪
學山嗣爲祀生又故撫孫念會成立守節四十七年

馮樹滋妻陳氏巢縣人年二十六夫亡穉子七齡家貧無依
上事下育守節五十年

右二氏俱乾隆三十六年請旌

儒童完德凝妻蕭氏合肥人年二十而寡遺孤甫四月氏清
操自勵孝事翁姑養葬如禮撫子成立守節四十二年

蔡鶴洲妻吳氏合肥人年二十二夫病籲天祈代及沒孝事
白髮舅姑教子昇喬嚴而有法家道日昌守節四十九年
儒童趙邁凡妻褚氏合肥人年十九而孀遺腹生子咭哀毀
骨立惟資紡績以養翁育子守節三十五年

儒童張朝裔妻韓氏合肥人年二十三夫故觸棺泣血痛絕
復甦遺腹生男養老育幼守節四十三年

黃賜祿妻潘氏合肥人年二十二夫沒粗糲自甘奉公姑勉
具甘旨撫子成立守節二十九年

儒童趙卜泰妻吳氏合肥人姑病篤割股和藥以進尋愈未
幾夫又病氏焚香籲天刺脇下取肝寸餘作羹進愈之夫
妹適王某年十六孀居無子歸依母家與氏同守終身無

間

王學模妻陳氏合肥人年二十夫故姑八旬子甫週歲含悲
忍死以慰姑心姑沒捧土爲冢守節四十一年

儒童陳錫範妻傅氏舒城人十五歲歸陳二十一夫沒守節
三十五年

儒童方鑑妻朱氏舒城人年二十二夫沒撫遺腹子成立生
孫子又卒氏率媳訓孫守節四十六年

生員許俊妻朱氏舒城人年二十五夫沒守節三十八年
監生東鳴鏞妻鍾氏舒城人年二十四夫沒守節三十年

儒童汪成鳳妻黃氏舒城人年二十三夫沒撫遺腹子矢志
苦守三十二年

高岑妻尹氏舒城人年二十五夫卒守節三十六年

儒童胡用和妻祝氏舒城人二十一歲寡孝事衰公家貧資
十指以佐餽粥撫子嚴嘗曰孤兒不知務業皆由母之姑
息也課讀無間寒暑守節三十年

生員吳競妻黃氏廬江人年二十二夫亡孝事翁姑教幼子
應發入泮守節六十四年

姚之迪妻許氏廬江人早年夫故遺腹生子孝事孀姑撫子
成立守節六十四年

丁實妻朱氏廬江人年二十二夫亡孝養翁姑立姪煜又天
復立姪灼撫之成立守節五十年

張延鐘妻阮氏無爲州人年二十一夫故甘旨奉姑義方訓
子守節五十四年

監生倪光宸妻胡氏無爲州人年二十五夫沒奉養舅姑撫
育孤子苦節四十年

李凌飛妻張氏無爲州人年十八夫故立姪承嗣奉養翁姑
喪葬如禮及夫兄夫嫂偕逝遺孤亦氏撫育守節五十二
年

李儀妻劉氏巢縣人年二十二夫亡無子舅姑在堂立姪爲
嗣紡績經營守節三十九年

單東曙妻湯氏巢縣人年二十四夫亡舅姑年邁紡績奉養
撫孤子雲瑞入泮守節四十四年

張煥妻戴氏巢縣人年二十二夫亡奉姑立嗣井日親操守

節三十七年

許世勳妻王氏巢縣人年二十七夫亡侍養孀姑遺子三齡撫之成立守節四十四年

監生沈樞妻葛氏巢縣人年二十四夫亡矢志靡他孝事孀姑立子爲嗣守節五十年

鄭克旭妻楊氏巢縣人年十九夫故侍養孀姑撫育繼子守節三十二年

翟宏增妻葛氏巢縣人年二十三夫亡孀姑在堂稚子在抱守節三十五年

生員馮朝選妻湯氏巢縣人年二十一夫亡子生甫八月上事翁姑下撫稚子守節四十一年

趙孫衢妻徐氏巢縣人年二十四夫亡子甫兩月上奉舅姑下育幼子守節三十八年

吳迪康妻陳氏巢縣人年二十四夫亡事姑及祖舅不怠遺子四齡又天立孫承嗣守節四十二年

右三十氏俱乾隆三十七年請旌

監生鍾兆熊舒城人女三人長適黃希智次適丁燕次適束鳴鏢均少寡守節希智無子以姪世清爲嗣世清頗孝爲母建坊於三河鎮時當酷暑往返督工積勞致疾卒鄉里稱之

郭承綱妻宋氏合肥人年十九夫故貧無立錐紡績易米以奉公姑守節四十八年

孟國瓚妻龔氏合肥人年二十四歲寡清操自守孝事嫡姑
教子銑入邑庠守節四十年

儒童史本詠妻孫氏合肥人年二十四夫亡伴宿孀姑一子
週歲本詠在時曾命承伯兄嗣及詠沒兄以歸氏氏曰昔
以子繼伯重宗祧也吾可以無兒伯不可以無子其明于
大義如此守節四十一年

右六氏俱乾隆三十八年請旌

儒童李汝榛妻方氏舒城人二十歲于歸夫病刲股和藥焚
香祝斗至二十九歲夫沒守節三十五年

鄭應鈇妻陳氏巢縣人年二十二夫故遺腹生子供養翁姑
茹苦畢生守節五十二年

右二氏俱乾隆三十九年請旌

州同曹立勳妻王氏廬江人年二十八夫亡侍養翁姑撫育
幼子壘遭水旱回祿生計皇皇苦節三十九年

陳大卿妻陳氏廬江人年二十二夫亡孝養孀姑時遺腹未
誕立姪慶爲嗣閏三月生子庠苦節四十八年

方貢千妻東方氏巢縣人年二十六夫亡遺孤數月兩世衰
姑守節四十五年

楊永清妻查氏巢縣人年二十一夫亡遺腹生男奉事孀姑
教子成立守節三十一年

右四氏俱乾隆四十年請旌

關雲岱妻許氏舒城人年二十四夫亡家徒壁立足不踰閭

事公姑十餘年無少懈守節三十一年

監生金國璜妻王氏舒城人性端莊寡言笑甘淡泊年二十六夫故紡績爲生守節三十四年

儒童趙雲騰妻王氏舒城人十七于歸時姑已寢疾氏侍湯藥二載未幾姑沒夫復死氏年甫十九孝事衰翁問侍盡禮守節三十二年

監生許紹份繼室葉氏廬江人年二十七夫亡姑老子幼苦節自持歷四十一年

繆以將妻郭氏巢縣人年二十二夫亡事姑勤謹鞠育遺子守節四十年

右五氏俱乾隆四十一年請旌

儒童闕雲輝妻任氏舒城人年二十夫亡伯叔亦相繼死翁姑垂老連喪三子氏心劬力瘁曲慰親憂越數月遺腹生女又天茹荼集蓼苦狀難名守節三十二年

生員賈邦錄妻陸氏舒城人年二十四夫亡投繯以殉以救免終身不御紈綺事翁終養子克讀書成名列鄉校

谷通妻梅氏舒城人年二十八歲夫亡家無卓錫氏矢志事翁姑色養備至撫子成立守節三十二年

右三氏俱乾隆四十二年請旌

蔡作俊妻陳氏巢縣人年二十四夫亡遺子又天立姪爲嗣敬事舅姑守節四十三年

洪燦妻宣氏巢縣人年二十七夫亡奉養翁姑繼子承祧守

節三十三年

右二氏俱乾隆四十三年請旌

生員金文會妻張氏廬江人年二十三夫亡無子矢志守節
上事下育歷三十年

周萬科妻劉氏巢縣人年二十二夫亡家貧子幼有欲奪其
志者氏號泣投繯幾死翁姑勸諭乃毀容不出戶庭守節
三十二年

右二氏俱乾隆四十四年請旌

儒童黃鉉妻孔氏舒城人年二十寡甘貧矢志孝事翁姑子
既冠旋故又撫孫守節四十八年

州同曹懋和妻孫氏廬江人年二十一夫亡奉祖姑撫嗣子

操作辛勤苦節三十三年

監生李俊僕妻王氏廬江人中書舍人王朝棟女年十八夫
亡姑老子幼奉養鞠育守節四十五年

劉棻妻周氏巢縣人年二十七夫亡子甫五歲奉事翁姑守
節三十四年

周志科妻馮氏無爲州人年二十二夫故上有衰翁下遺弱
子事育辛勤守節四十三年

郡庠生蔡雯妻黃氏合肥人夫歿氏年二十四守節六十年
卒

右六氏俱乾隆四十五年請旌

儒童李友芹妻衛氏合肥人年十九寡孝事公姑撫子成立

守節三十九年

左啟賢妻張氏舒城人二十于歸夫勤於學氏篝燈佐讀相敬如賓及沒氏年二十四紡績撫孤艱辛備歷守節三十五年

右二氏俱乾隆四十六年請旌

沈應華妻韓氏合肥人年二十夫亡絕粒公姑勸乃止無子立姪嗣守節五十年

周夢鼈妻劉氏合肥人年十九夫亡遺子甫週歲氏矢志孝公姑撫弱息苦節三十三年

右二氏俱乾隆四十七年請旌

史運芳妻高氏無爲州人年十九夫故立嗣承祧上有祖姑繼姑繼姑病乳小叔無哺氏爲吮膿兩世孀姑並養生送死無憾守節四十六年

儒童夏賢元妻孫氏廬江人年二十五夫故孀姑在堂一子襁褓甫成立又故立姪孫爲己孫苦節二十二年卒

袁魁妻王氏合肥人年十九喪夫忍死勵志孝事翁姑立姪爲嗣守節三十一年

右三氏俱乾隆四十八年請旌

李國猷妻金氏巢縣人年二十三夫亡子僅週歲上事衰翁下撫弱子守節五十年乾隆四十九請旌

儒童張燦若妻秦氏合肥人年十七寡遺子未彌月勵節矢志得二老歡心教子成立守節三十七年

儒童丁鳳池妻張氏舒城人二十歲寡無子矢志植節孝事公姑終養撫叔成立生子始立爲嗣守節三十六年

右二氏俱乾隆五十年請旌

儒童洪有愈妻劉氏廬江人年二十夫亡事姑孝立姪其璋嗣鍼黹度日苦節三十三年乾隆五十二年請旌

儒童鍾德淳舒城人妻凌氏廬江人年十七歸淳越二年夫沒家貧矢志孝事祖姑及翁姑先意承志茹苦終身守節三十五年

項士玉妻王氏廬江人年二十九夫亡姑老子幼奉養鞠育守節三十一年

儒童朱大紳妻錢氏無爲州人年二十一夫故子甫週歲上奉繼姑下育幼子守節三十三年
儒童王應科妻錢氏無爲州人年二十一夫故二老在堂乳子在抱苦節五十二年

右四氏俱乾隆五十四年請旌

儒童江桂妻吳氏舒城人家貧事姑孝適遭回祿氏倉卒以身衛姑身被焦灼殘一指姑以驚悸得疾氏侍奉十餘年不懈桂卒氏年二十一苦節三十五年

嚴廷玉妻夏氏廬江人年二十二夫病革遺命葬親教子氏遵行無怠守節三十九年

陳文奎妻湯氏巢縣人年二十三夫亡姑老子幼紡績度日守節四十五年

凌希盛妾嚴氏廬江人年二十四凌故遺腹生子嫡董氏繼
逝遺二子皆幼氏撫之如一養葬庶姑苦節六十一年

右四氏俱乾隆五十五年請旌

監生吳應璧妾周氏廬江人年二十一生子光文甫週歲吳
亡氏撫孤守志苦節五十六年

徐念勅妻朱氏廬江人甫適徐而姑病奉湯藥衣不解帶二
十三歲夫亡遺腹生男元繡撫教成立入邑庠苦節三十
五年

何子玉妻鮑氏無爲州人年二十一夫故子甫週歲氏上奉
衰姑守節六十四年

奚永久妻倪氏無爲州人年二十六夫故無子翁姑年邁母
家亦罕往撫嗣子成立守節三十一年

右四氏俱乾隆五十六年請旌

郭中倫妻徐氏無爲州人年二十八夫亡後翁故姑衰養葬
竭力撫三子成立守節五十年

潘淳妻姜氏巢縣人年二十三夫亡敬事翁姑撫遺子廷梅
成立守節四十七年

右二氏俱乾隆五十七年請旌

莫元儉妻盧氏廬江人年二十七夫亡遺孕生子事祖姑與
姑紡績維勞苦節五十七年

王家讓妻程氏廬江人年二十五夫亡遺子宗洛甫三歲氏
侍奉翁姑教子成立守節三十五年

廬州府志卷四十六
王家興妻張氏廬江人年二十四夫亡孝養翁姑撫育幼子
苦節三十八年

右三氏俱乾隆五十八年請旌

陳家慶妻吳氏廬江人年二十五夫亡翁姑年邁伯氏早亡
叔氏亦病僅伯一子其母復喪氏紡績奉翁姑撫伯子婚
娶守志三十四年乾隆五十九年請旌

監生王世猷妻徐氏廬江人年二十五夫亡矢志守貞仰事
俯育苦節六十二年

胡必全妻林氏廬江人年二十三夫亡奉姑訓子苦節四十
九年

通榜舉人李方麟妻周氏廬江人年二十八夫亡苦志守
貞侍奉翁姑撫育穉子歷三十一年

楊文輝妻蔣氏無爲州人夫故守節

胡大恆妻邢氏無爲州人年二十二夫故遺腹生子矢志彌
堅奉養舅姑備嘗辛苦守節四十六年

貢生唐之崑妻陳氏無爲州人年二十五夫故孀姑在堂子
四法甫四歲婚娶後又故遺孫四人苦節四十五年

任廷相妻汪氏無爲州人年二十九夫故翁姑衰老朝夕奉
養遺子良銳良鍵早亡育姪女汪氏爲良銳媳銳年二
十四又卒與孀媳相依守節四十二年

監生任良銳妻汪氏無爲州人幼隨姑母爲媳年二十二夫
故無子奉孀姑不離左右撫嗣子世亮成立守節三十三

年

宋緒昌妻湯氏巢縣人年二十五夫亡翁姑衰邁黽勉奉葬立姪爲嗣守節四十年

右九氏俱乾隆六十年請旌

生員范廷標妻尹氏合肥人年二十三夫沒無子姪邦燮嗣甫受室生孫而燮夫婦相繼死氏撫雛孫成立守節三十一年

陳有耀妻徐氏廬江人年二十六夫亡奉養翁姑男婚女嫁苦節四十一年

盧寅妻丁氏廬江人年十八夫亡奉養堂上甘旨無缺立姪文朝嗣守節十七年卒

陳德堂妻李氏廬江人年二十一夫亡事祖翁姑及翁姑養葬盡禮子克鉞髫齡入泮膺選拔苦節四十年
右四氏俱嘉慶元年請旌

儒童王效曾妻張氏舒城人性貞靜事父母以孝聞年二十四夫沒投繯幾絕以救甦立志堅貞兩代翁姑喪葬皆氏營理無遺憾子華列成均苦節二十一年卒

周映奎妻韋氏舒城人夫亡氏年二十四甘貧勵節親操井臼孝事公姑撫子成立守節三十八年

監生吳毓秀妻周氏舒城人年二十九夫亡矢節時翁姑重慶氏先意承志祖翁年九十常語人曰吾有孫媳不啻孫在也嗣後兩代喪葬氏獨爲經營立姪琨爲子苦節三十

五年

諸祚瑜妻李氏無爲州人年二十一夫故無子奉祖姑舅姑
惟謹兼撫弱叔待叔生子始立爲嗣守節三十年

艾尙景妻班氏巢縣人年二十七夫亡敬事舅姑子國楠又
故撫育遺孫守節五十三年

右五氏俱嘉慶二年請旌

徐必榮妻宇氏無爲州人年二十夫故翁姑垂暮紡織供養
立姪承祧守節四十三年

儒童夏加綏妻鄭氏無爲州人年二十六夫故孝養繼姑立
姪爲嗣守節二十六年

昌應宏妻張氏無爲州人年二十二夫故舅姑年邁遺腹生
子苦節二十九年

生員唐熨妻葛氏巢縣人年二十七夫亡敬事舅姑撫子成
立守節三十五年

右四氏俱嘉慶三年請旌

生員蔡光緒妻滕氏合肥人十九于歸五載而夫沒遺腹生
子翁姑繼沒喪葬皆氏爲經理守節二十九年現五十五
歲

儒士楊思敏妻李氏合肥人事翁姑盡孝姑沒叔思恭方四
歲氏撫哺甚勤年二十七夫故誓以身殉翁以已老子幼
勸譬乃起律身嚴謹家貧資紡績以生督諸子力學稍怠
輒涕泣以勉之夫歿五年叔亦歿妯巫氏子然無依遺姪

甫周粹氏收恤不異所生含荼茹蘖與妯共之子日章忠
聯奎俱遊於庠

張相治妻王氏舒城人年二十六夫亡誓守孝事翁姑隆冬
嘗自減衣食以給飢寒無依者子大勳入邑庠守節四十
六年

右三氏俱嘉慶四年請旌

儒童龔延紳妻黃氏合肥人年二十二而寡先是紳出嗣叔
琴氏歸紳時翁姑已沒氏偕娣姒孝事本生翁不以出嗣
稍諉謝撫遺腹子珏成立爲邑廩生守節三十九年現六
十一歲

儒童董崇寬妻王氏舒城人年十八歸董時祖姑衰病氏嘗
藥滌穢無少怠室有火災身衛祖姑得免明年夫沒志堅
金石撫子成立守節四十年

夏溥妻張氏廬江人年二十于歸甫三月夫亡孝翁姑和妯
娣立夫兄子爲嗣守節十八年卒

許有孚妻左氏廬江人年二十七夫亡姑老無依克盡孝養
教子成立守節三十四年

許三祝妻張氏廬江人年二十五夫亡姑老子幼仰事俯育
苦節三十八年

吳光履妻張氏廬江人年二十四夫亡奉事翁姑喪葬成禮
立姪爲嗣苦節三十三年

汪本瀛妻周氏無爲州人年十九夫故叔伯無人與媼姑相

廬州府志卷四十六
三
依嗣姪元信爲子入膠庠守節六十一年

鄭典妻繆氏巢縣人年二十四夫亡子甫三歲孀姑年邁艱苦備嘗守節三十年

右八氏俱嘉慶五年請旌

監生蔡家珍妻吳氏合肥人年二十夫亡無子孀姑年邁氏日侍左右曲盡歡心撫教嗣子有芬嚴而有法現五十二歲

儒童萬丹書妻劉氏合肥人年十六歸萬越七載夫沒守節三十八年現六十歲

徐中濬妻李氏廬江人年二十七夫亡奉七旬孀姑以孝聞立姪爲嗣苦節三十六年

丁祐妻趙氏廬江人年二十八夫亡遺二子皆幼上有衰翁氏仰事俯育苦節二十五年

徐會發妻夏氏廬江人年二十一夫亡紡績以奉翁姑立子承祧守節三十二年

吳崇仁妻張氏廬江人夫患瘋疾氏扶持無怨色夫歿氏年二十六翁詰出任宿遷訓導姑患痿痺不能偕行氏侍奉不離嗣子光漢性愚魯氏多方教誨守節六十年壽至八十有六

儒童朱啟梁妻周氏舒城人年二十而寡哀毀骨立孝事孀姑丙午歲荒有乞人身死遺一女方週歲氏收養之如己女撫至成人爲擇良家子配焉守節四十四年

監生彭杲妻張氏廬江人年二十六夫亡無子侍奉翁姑立
姪爲嗣守節四十七年

張拱妻陳氏廬江人年十九適張未三月夫亡一叔幼穉奉
養翁姑待叔生子爲嗣守節二十六年

不右九氏俱嘉慶六年請旌

梅義妻梁氏合肥人夫死守節三十年

趙守訓妻巫氏合肥人年二十八夫死守節教子瑄成立守
節二十五年

趙珏妻程氏合肥人年十九夫亡守節四十一年

監生周定邦妻楊氏舒城人夫亡守節四十三年

靳文焯妻許氏舒城人夫亡守節四十三年

王朝鼎妻張氏舒城人夫亡守節四十六年

汪成鳳妻黃氏舒城人夫亡守節三十二年

徐學淮妻任氏舒城人夫亡守節四十三年

曾文鳴妻朱氏舒城人夫亡守節四十四年

俞廷璽妻柏氏舒城人夫亡守節四十四年

監生徐士宗側室韓氏舒城人徐死守節四十六年

王之醇妻喬氏舒城人夫亡守節三十三年

張學義妻徐氏舒城人夫亡守節四十五年

監生章大有妻徐氏舒城人夫亡守節四十三年

附貢生謝鳳舉妻倪氏舒城人夫亡守節四十三年

王掌衡妻汪氏舒城人夫亡守節三十二年

徐宗灝妻王氏廬江人夫亡守節三十三年
楊宏烜妻吳氏廬江人夫亡守節三十四年
倪必選妻鄧氏無爲人夫亡守節三十九年
右十九氏俱嘉慶七年請旌 以上府案

廬州府志卷四十七

賜進士出身廬州府知府溫陵張祥雲主修
列女 完節六

孫元泗妻王氏合肥人少寡守節氏商河令袁女也

王元齡妻程氏合肥人年二十七夫死矢志守節教子會龍
登乾隆乙酉賢書

生員王會芸妻龔氏合肥人年二十七夫死守節十九年卒
奉部給匾

蔡粹妻黃氏合肥人夫歿氏年二十四守節六十年卒

蔡允享妻吳氏合肥人夫歿氏年二十守節五十年卒詳請

建坊

生員徐灑妻李氏合肥人年二十餘夫故守節至七十三歲卒詳請旌表子縱妻葉氏縱歿葉年二十四子應元甫四歲上養孀姑下鞠稚子備歷艱辛年八十一歲卒

龔體讓妻董氏合肥人年十八歸龔越七年夫死撫遺腹子守節年至七十餘

監生吳毓秀妻周氏舒城人年二十九夫死守節三十五年龔延績妻魯氏合肥人年廿七夫死守節至五十四歲卒

監生鹿世茂妻萬氏合肥人年二十夫死守節年八十五卒吳夢燕妻程氏合肥人年十九歸吳甫兩月夫死守節年五十六歲卒

監生梁士仁妻馬氏合肥人年二十四夫亡守節無子以姪

貢生永輝爲嗣永輝前曾割股療其生母李氏及事馬孝養如其生母後永輝復早死妻王氏亦守節以終

王世化妻李氏合肥人年二十二世化病氏割股二次療之不愈守節至五十四歲卒

程雲傑妻徐氏合肥人年二十七夫歿苦節三十五年

程謙益妻朱氏合肥人年二十五夫病割股療之不愈苦節三十四年撫遺孤三人皆成立伯程馥夫婦俱早死遺二子俱幼氏撫育之無異所生

蔡國昂妻劉氏合肥人年二十夫病割股和藥療之不愈未匝月姑復病氏又割股以進時稱爲節孝兼全年五十卒蔡國禘妻黃氏合肥人夫歿氏年二十三矢志守節五十六

歲卒

巫魯言繼妻魏氏合肥人年十九夫故無子撫前妻子其相如己出甫成立其相又死子婦李氏年二十四姑婦冰霜共矢年俱逾六十

監生婁直英妻李氏合肥人夫故氏年二十二守節六十四年

金武略妻孫氏合肥人年二十四夫故無子繼一姪又死苦節四十年

楊寶曙妻劉氏合肥人年二十八夫歿子又早亡貧無卓錫依針黹自給苦節七十年

監生鄭乃盛妻朱氏合肥人年二十三夫故無嗣以姪邦棟為嗣守節至六十一歲卒

生員劉繼祖妻程氏合肥人年十九夫歿守節至六十八歲卒

封有福妻周氏合肥人夫死氏年甫十九矢志不二事翁姑克盡孝養年六十一卒

董來儀妻夏氏合肥人來儀死氏年二十七子達土方十歲氏奉姑嫜育稚子備極艱辛後達士又死與子婦汪氏兩世孀居共撫幼孫映宗夏壽八十四汪亦守節三十餘年卒

阮兆修妻汪氏合肥人夫故氏年二十三守節至七十歲卒
阮定妻謝氏合肥人夫故氏年十九守節至四十五歲卒

夏燦暉妻虞氏合肥人年二十五守節四十餘年卒

監生廖欽妻蔡氏合肥人年二十適廖越八年夫歿守節至五十八歲卒

庠生余瑞妻陳氏合肥人瑞病氏刲股療之卒不起氏時年二十八茹苦十二年卒

袁永郁妻陳氏合肥人年二十八夫死守節三十一年

溫尙筵妻孔氏合肥人年十九夫死守節三十三年

溫正音妻王氏合肥人年二十二歲夫死苦節四十八年

范纘修妻何氏合肥人年二十五歲夫死苦節三十一年

監生蔡政樞繼妻王氏合肥人年二十二夫歿養姑教子苦節三十三年

節三十三年

王觀光妻倪氏合肥人年二十二觀光溺水死氏矢志守節

五十七歲卒

張懷仁妻史氏合肥人夫歿氏年二十無子依兄文燦未幾

文燦亦死氏與嫂張氏清操共勵年四十五卒

范統修妻陸氏合肥人年二十九夫死守節五十八歲卒

廖瀛淮妻吳氏合肥人年二十七夫死守節二十四年卒

蔡業妻李氏合肥人夫歿氏年二十二矢志守節至六十歲

卒

蔡校妻董氏合肥人夫歿氏年二十五守節至六十歲卒

蔡樽妻程氏合肥人夫歿氏年二十一守節至七十歲卒

田穰發妻鄭氏合肥人年二十六夫亡矢志撫孤苦節四十

四年

金展三妻宣氏合肥人年二十八夫死子文獻甫成立又死文獻無子以姪貴周爲子又亡氏與孫婦溫氏冰霜其守七十八歲卒

蔡棊妻馬氏合肥人年二十一守節六十四歲卒

徐鑑光妻沈氏合肥人年二十夫死無子苦節三十九年

余南谷妻陳氏合肥人年二十二夫死守節六十三年南谷忠宣公裔也五世一堂尤稱盛事

蔡秀發妻張氏合肥人年二十四夫歿守節撫遺孤尙仁成立娶郭氏未二載尙仁又歿媳郭氏年二十一與姑共撫弱息蔡瑜甫娶又早死瑜妻趙氏年二十一亦矢志苦守

高崧妻周氏合肥人年二十二夫歿苦節四十五年

殷崑妾孫氏合肥人年二十九殷死氏與正室王氏同心守節王中年喪明凡治家教子皆賴氏俟助焉年七十卒崑弟南峰亦早死其妻龔氏年二十三守節至五十四歲卒殷西隣合肥人殷仲友子也娶郎氏年二十夫死守節奉孀姑盡孝歷三十餘年子世臣亦早死妻巫氏年二十三茹苦自守三世皆以節著其婢石氏配僕人馬辰保年十九夫歿亦誓守不二

黃廷棟妻師氏合肥人年三十夫死守節六十一歲卒

李世魁妻衛氏合肥人年十九夫死遺腹生子登庸數載姑歿子又繼亡茹苦守節四十一年

丁錦芳妻吳氏合肥人年二十七夫死守節三十二年
監生孫嘉相妻蔡氏合肥人年二十七歲夫死苦節三十六
年

蔡桐妻王氏合肥人年二十二夫歿守節六十一歲卒

蔡鐸妻葉氏合肥人年二十五夫歿守節六十四歲卒

蔡崧妻趙氏合肥人崧病刲股三次崧歿氏年二十五守節
至六十二歲卒

國子生蔡以仁妻蔣氏合肥人年三十一夫歿矢志守節七
十二歲卒

蔡恭妻王氏合肥人夫歿氏年二十一守節八十五歲卒

蔡昂妻李氏合肥人年二十四守節六十一歲卒

庠生吳世臣妻周氏合肥人年二十七夫病刲股及歿守節
撫孤承裕成立壽登九十

生員程景泰妻樊氏合肥人年二十四夫故苦節五十年

夏肇蒼妻吳氏合肥人年二十七夫死苦節五十年

周宗宜妻李氏年二十一夫死苦節二十九年卒

楊思恭妻巫氏合肥人年二十六夫故苦節二十六年卒

劉餐梅妻李氏合肥人二十而寡苦節三十二年

蔡金鳳妻阮氏合肥人年二十一夫歿守節六十三歲卒

蔡炳妻胡氏合肥人年二十二夫歿守節五十九歲卒

蔡之信妻費氏合肥人年二十夫歿守節六十一歲卒

蔡莖妻張氏合肥人年二十五夫死守節六十一歲卒

蔡杲妻黎氏合肥人年二十六夫死守節六十一歲卒

朱通妻徐氏廬江人年十九夫歿守節孝孀姑教孤子歷三十三年

楊忍之妻蔡氏合肥人夫故氏年二十六守節三十九年卒

王時訓妻夏氏合肥人年二十五夫死一門相繼盡歿隻影伶仃節操愈勵年六十四卒

曾文伯妻劉氏合肥人夫故氏年二十六守節七十餘歲卒

劉天機妻萬氏合肥人年十九歸劉未一載而寡氏毀肢體以自誓苦節二十年而卒

左學程妻薛氏合肥人夫歿氏年二十二苦節至六十餘歲卒

阮以寬妻張氏合肥人年二十二夫死守節至七十八歲卒

阮業聚妻閻氏合肥人年二十四業聚亡守節六十五歲卒

阮報德妻金氏合肥人年二十五夫亡守節至七十八歲卒

吳嘉猷妻羅氏合肥人年十九夫歿苦節三十年子士楷嘗割股療其母病

周治洽妻封氏合肥人年三十治洽病篤氏割股療之不愈苦節自守年七十一卒

王槐三妻蔡氏合肥人夫死年二十一守節至三十八歲卒

奉祀生包學魁妻陸氏合肥人年二十七夫死守節至六十

一歲卒

王用和妻朱氏合肥人年二十二夫死守節四十四歲卒

吳之敏妻朱氏合肥人年二十三夫死守節至六十一歲卒
曹培元妻唐氏合肥人年二十五夫死守節至五十六歲卒
郭持平妻王氏合肥人年十九歸郭越六年夫死守節三十
一年

范履中妻李氏合肥人年二十四夫死守節至四十八歲卒
舉人吳尙慧妻李氏合肥人年二十九夫死子攀蟾甫三歲
教之成立登乾隆丁酉賢書苦節四十六年今七十五歲
王炳妻姚氏合肥人年二十二夫死守節至三十四歲卒
庠生張闕妻何氏年十七夫死守節至六十一歲卒
蔡齋吉妻應氏合肥人年二十夫死守節六十一歲卒
蔡光祖妻陳氏合肥人年二十五夫死守節六十歲卒

蔡霞妻李氏合肥人年二十夫死守節六十三歲卒
蔡潤妻朱氏合肥人年二十夫死守節五十三歲卒
蔡洗妻許氏合肥人年二十三夫死守節五十一歲卒
蔡天祐妻任氏合肥人年二十七夫死守節七十七歲卒
蔡天志妻單氏合肥人年二十八夫死守節六十五歲卒

王立德妻張氏合肥人年二十六夫死守節今五十六歲
吳尙斌繼妻汪氏合肥人年二十四歲夫死守節今五十二

歲

程敦士妻朱氏合肥人年十九適程越六年而寡氏斷髮自

誓終身不至母家今八十一歲

沈本澍妻李氏合肥人年二十二夫死守節現年六十六歲
許尙德妻周氏合肥人年十七夫死矢志守節姑嘗病氏剖
股療之獲愈歷四十三年

王煥妻劉氏合肥人年二十八歲夫死守節今六十五歲
厲鳴琪妻崔氏合肥人年二十七鳴琪死矢志守節今五十
七歲

沈理甲妻吳氏合肥人年二十夫死守節今五十二歲
錢宏占妻李氏合肥人年二十二歲夫死守節今五十三歲
蔡鉅妻沈氏合肥人夫歿氏年二十守節今五十歲
國子生蔡大治妻高氏合肥人年二十四夫死守節今六十

四歲

蔡五壽妻施氏合肥人年十九夫死守節今五十一歲

戴文炳妻任氏合肥人年二十八夫死守節四十四年子世
賢亦早死其妻桂氏守節三十五年

戴世英妻董氏合肥人適戴四年而寡矢志奉姑後姑又歿
遺叔鸞鑣甫七齡氏撫之成立娶徐氏未三載叔亦死徐
氏亦守節不二董今五十二歲守節三十一年

監生程廷翰妻張氏合肥人年二十七夫死矢志守節六十
二歲卒其女楊志綱之妻嫁三年而寡依母以終亦稱完
節

蔡有恆妻劉氏合肥人年十七適有恆越二載有恆病篤氏

廬山府志卷四十一
九
割股和藥療之不愈有恆死氏矢節自守今五十九歲
布政司理問蔡應選妻王氏合肥人年二十九夫死守節教
子兼撫叔嬸遺孤皆至成立今五十一歲
丁家幹合肥人妻宋氏家幹客安州幕時所聘也家幹死氏
以資寄翁及伯家謨爲輿櫬計適歲荒且疫翁與伯相繼
死氏貧不能歸奉柩苦守今年已六十餘

唐德輝妻楊氏合肥人年二十五夫死守節至七十一歲卒
其子應發亦早死子婦洪氏年十九守節今三十年
萬得章妻吳氏合肥人年三十夫歿守節六十歲
羅景淮妻何氏合肥人年二十六夫死守節今七十二歲
貢生王世揆繼妻余氏合肥人年二十五夫死無子止遺一

女又不育苦節自守今五十八歲

庠生倪永紹妻陶氏合肥人年二十五守節今七十四歲

庠生李登瀛妻李氏合肥人年二十七夫死守節翁嘗病氏
割股療之立愈苦志三十七年

贈文林郎李嘉謨妻羅氏合肥人侍姑病氏割股和藥飲之
獲愈及夫歿守節教子廷輝廷耀皆成立廷輝登乾隆癸
卯賢書今爲桐鄉令氏年七十六歲卒

周璽妻郭氏合肥人年十九歸周越六年夫死守節今五十
四歲

吳天補妻宋氏合肥人年二十八夫死守節今七十四歲
孫廷佐妻阮氏合肥人年二十夫死守節今四十九歲

王世昌妻張氏合肥人年二十一夫死遺子和衷未周歲撫孤守節五十四年

周璋妻吳氏合肥人姑病篤氏割股療之得痊夫死氏年二十三家極貧有勸其改適者氏掩耳曰此禽獸之言吾不忍聞今四十八歲

鍾郁占妻朱氏合肥人年十七歸鍾越七年夫死誓死守節奉姑教子卒年七十六

朱近義妻韓氏合肥人年十七夫死守節撫遺腹子秉太成立事翁姑孝謹今五十三歲

白朝聘妻吳氏合肥人年十七夫死守節無子嗣姪爲子守節已二十餘年

李星樞妻劉氏合肥人年二十夫死守節今六十三歲

沈理田妻吳氏合肥人年十九夫死守節今五十歲

萬咸熙妻楊氏合肥人年二十四夫死守節今七十歲

孔傳書妻焦氏合肥人年二十二夫死守節今五十歲

鮑懷璧妻左氏合肥人年二十五夫死守節今五十五歲

賈國獻妻鄭氏合肥人年二十四夫死家極貧苦節自守

鄭廷樞妻程氏合肥人年二十四夫死守節今四十四歲

王桂鏊妻夏氏合肥人年二十四夫死守節今六十歲

李俊妻樊氏合肥人夫死氏年二十四矢志守節今四十九歲

張之紀妻趙氏合肥人年十九夫死守節今六十一歲

劉萬盛妻王氏合肥人年二十四夫死守節家極貧奉姑盡
孝今五十二歲

楊重妻胡氏合肥人年十九夫死守節今六十歲

胡瀛洲妻孔氏合肥人年二十六夫死守節今五十六歲

霍文華妻席氏合肥人年二十七夫死守節今八十四歲

楊倫馨妻劉氏合肥人年二十三夫死撫遺腹子楊選甘貧
守節今七十歲

劉雲舟妻宋氏合肥人年二十九夫死守節撫遺孤國謨方
六歲事舅姑盡孝鄉里推重焉今五十五歲

董賢宐繼妻黃氏合肥人年二十二夫死守節今五十二歲
靳天桂妻虞氏合肥人年二十四夫死守節今五十九歲

徐中書妻昂氏合肥人年二十夫故甘貧守節今五十歲

鍾偉妻車氏合肥人年二十六夫死守節今六十五歲

程宗洛妻蔡氏合肥人年三十夫故守節今五十九歲


程加玉妻方氏合肥人年二十四守節今六十七歲

李續祖妻張氏合肥人年二十七守節事翁姑至孝

劉岳妻卞氏合肥人年二十一夫死無子守節今五十八歲

黃福妻湯氏合肥人年二十五夫死守節今六十三歲 以上

採訪事實



廣東省立圖書館

